


☼
49

Kitasato Memorial Medical Library

F 23
水-47



499.9
Ho-5
23

No. 1864
h 49



富士川文庫
3436

本草綱目果部目錄第三十一卷

果之三 夷果類三十二種

荔枝 開實 龍眼 龍荔

檳榔 開實 木威子 荖摩勃

毗梨勒 唐本 沒離梨 五飲子

五子實 雜目 榧實 海松子

檳榔 雜錄 大腹子 椰子

無漏子 唐本 桃椰子 蘇木

波羅蜜 雜目 無花果 梨

本草綱目果部目錄第三十一卷

果之三 夷果類三十一種

荔枝

開寶

龍眼

別錄

龍荔

綱目

橄欖

開寶

木威子

拾遺

菴摩勒

唐本

毗梨勒

唐本

沒離梨

拾遺

五斂子

綱目 卽易桃

五子實

綱目

榧實

別錄

海松子

開寶

檳榔

別錄

大腹子

開寶

椰子

開寶

無漏子

拾遺卽波斯棗

桃椰子

開寶

蒺藜子

海藥

波羅蜜

綱目

無花果

食物 文光 果天 附

尾張淺井氏記

阿勃勒

拾遺

沙棠果

綱目

探子

拾遺

麋目

拾遺

都楠子

拾遺

都念子

拾遺

都咸子

拾遺

摩厨子

拾遺

齊墩果德慶果附

韶子

拾遺

馬檳榔

會編

枳椇

唐本

右附方舊二十一新四十一

本草綱目果部第三十一卷

果之三

夷果類三十一種

荔枝

宋開通名寶

釋名離枝

綱目丹荔

頌曰按朱應扶南記云此木結實時枝弱而帶牢不可摘取必

以刃斧剗取其枝故以為名剗音利與荔同時珍曰司馬相如上林賦作離支按白居易云若離本

枝一日色變三日味變則離支之名又或取此義也

集解

頌曰荔枝生嶺南及巴中今閩之泉福漳州

之其品以閩中為第一蜀州次之嶺南為下其本高二三丈自徑尺至于合抱類桂木冬青之屬綠葉蓬蓬然四時榮茂不彫其木性至堅勁土人取其根作阮咸槽及彈碁局其花青白狀若冠之糝

綬其子喜雙實狀如初生松毬殼有皺紋如羅初
青漸紅肉色淡白如肪玉味甘而多汁夏至將中
則子翕然俱赤乃可食也大樹下子至百斛五六
月盛熟時彼方皆燕會其下以賞之極量取啖雖
多亦不傷人少過則飲蜜漿便解荔枝始傳於漢
世初惟出嶺南後出蜀中故左思蜀都賦云旁挺
龍目側生荔枝唐白居易圖序論之詳矣今閩中
四郡所出特奇蔡襄譜其種類至三十餘品肌肉
甚厚甘香瑩白非廣蜀之比也福唐歲貢白曝荔
枝蜜煎荔枝肉俱為上方珍果白曝須嘉實乃堪
其市貨者多用裸色荔枝入鹽梅曝成皮色深紅
味亦少酸殊失本真經曝則可經歲商販流布遍
及華夏味猶不歇百果之盛皆不及此又有焦核
荔枝核如雞舌香味更甜美或云是木生背陽結
實不完就者又有綠色蠟色皆其品之奇者本上
亦自難得其蜀嶺荔枝初生小酢肉薄核大不堪
白曝花及根亦入藥藏器曰顧微廣州記云荔枝
冬夏常青其實大如鷄卵殼朱肉白核黃黑色似

半熟蓮子精者核如雞舌香甘美多汁極益人也
時珍曰荔枝炎方之果性最畏寒易種而機浮其
木甚耐久有經數百年猶結實者其實生時肉白
乾時肉紅日晒火烘鹵浸蜜煎皆可致遠成棗晒
乾者謂之荔枝按白居易荔枝圖序云荔枝生巴
峽間樹形團團如帷蓋葉如冬青花如橘而春榮
實如丹而夏熟棗如蒲桃核如枇杷殼如紅繒膜
如紫緇瓠肉潔白如冰雪漿液甘酸如醴酪大畧
如彼其實過之若離本枝一日而色變二日而香
變三日而味變四五日外色香味盡去矣又蔡襄
荔枝譜云廣蜀所出早熟而肉薄味甘酸不及閩
中下等者閩中惟四郡有之福州最多興化最奇
泉漳次之福州延亘原野一家甚至萬株興化上
品大徑寸餘香氣清遠色紫殼薄瓢厚膜紅核如
丁香母剥之如水精食之如絳雪荔枝以甘為味
雖百千樹莫有同者過甘與淡皆失於中若夫厚
皮尖斜肌理黃色附核而赤食之有渣食已而澀
雖無酢味亦自下等矣最忌麝香觸之花實盡落

本草綱目果部 卷三十一

也又洪蓮堅夷志云莆田荔枝名品皆出天成雖以其核種之亦失本體形狀百出不可以理求也沈括筆談謂焦核荔子乃土人去其大根燔焦種或者大不然也珂曰荔枝樹似青木香熟時人未采則百蟲不敢近人纔采之鳥鳥蝙蝠之類無不傷殘之也故采荔枝者必日中而衆采之一日色變二日味變三日色味俱變故古詩云色味不踰三日變也

實氣味甘平無毒

李廷飛曰甘酸熱多食令人發虛熱煩

渴口乾衄血頰日多食不傷人如少過度飲蜜漿一盃便解也時珍曰荔枝氣味純陽其性畏熱鮮者食多即猷腫口痛或衄血也病齒齲及火病人尤忌之開寶本草言其性平蘇氏謂多食無傷皆謬說也按物類相感志云食荔枝多則醉以殼浸水飲之即解此即食物不消還以木物消之之意

主治止渴益人顏色

寶開食之止煩渴頭重心躁背

膊勞悶

李通神益智健氣 孟治瘰癧瘡贅赤腫疔

腫發小兒痘瘡

時珍

發明

震亨曰荔枝屬陽主散無形質之滯氣故瘡贅赤腫者用之苟不明此雖用之無應

附方

新痘瘡不發 荔枝肉浸酒飲并食之忌疔瘡

惡腫

普濟方用荔枝五箇或三箇不用雙數以狗糞中米淘淨為末與糯米同研成膏攤紙

上貼之

留一孔出毒氣○濟生秘覽用荔枝肉

白梅各三箇

擣作餅子貼于瘡上根即出也 風

牙疼痛

普濟用荔枝連殼燒存性研末擦牙即止

大荔枝一箇

剔開填鹽 呃逆不止 荔枝七箇連皮

滿殼煨研

搽之即愈 核燒存性為末

白湯調下

立止○ 楊拱醫方摘要

楊拱醫方摘要

卷三十一

核氣味甘溫瀋無毒主治心痛小腸氣痛以一枚

煨存性研末新酒調服宗治癩疝氣痛婦人血氣

刺痛時珍

發明時珍曰荔枝核入厥陰行散滯氣其實雙結而核肖羣丸故其治癩疝卵腫有迷類象形

之義

附方新六脾痛不止荔枝核為末醋服二錢數婦人

血氣刺痛用荔枝核燒存性半兩香附子炒一兩為末每服二錢鹽湯米飲任下名蠲痛散

婦人良方疝氣癩腫係氏用荔枝核炒黑色大茴香炒等分為末每服一錢溫酒下

効方玉環來笑丹用荔枝核四十九箇陳皮連白九錢硫黃四錢為末鹽水打麩糊丸綠豆大遇痛

時空心酒服九丸良久再服不過三服甚効如神亦治諸氣痛陰腎腫痛荔枝核燒研酒

服二錢腎腫如斗荔枝核青橘皮茴香等分各炒研酒服二錢日三

殼主治痘瘡出不爽快煎湯飲之又解荔枝熱

浸水飲時珍

附方新赤白痢荔枝殼橡斗殼炒石榴皮炒甘草炙各等分每以半兩水一盞半煎

七分溫服日二服普濟方

花及皮根主治喉痺腫痛用水煮汁細細含嚥取

瘥止蘇頌○出崔元亮海上方

龍眼別錄校正自木部移入此宗藥本草編入木部非矣

本草綱目卷之二十一

通名

釋名龍目吳普圓眼俗名益智別錄亞荔枝開寶荔枝奴

驪珠 燕卵 蜜脾 鮫淚 川彈子南方草木狀○時珍

曰龍眼龍目象形也吳普本草謂之龍目又曰比目曹憲博雅謂之益智弘景曰廣州有龍眼非益智也恐彼人別名耳志曰甘味歸脾能益人智故名益智非今之益智子也頌曰荔枝總過龍眼即熟故南人目為荔枝奴又名木彈晒乾寄遠北人以為佳果目為亞荔枝

集解別錄曰龍眼生南海山谷一名益智其大者似檳榔恭曰龍眼樹似荔枝葉若林檎花白色子如檳榔有鱗甲大如雀卵頌曰今閩廣蜀道出荔枝處皆有之嵇含南方草木狀云木高一二丈似荔枝而枝葉微小凌冬不凋春末夏初開細白花七月實熟殼青黃色文作鱗甲形圓大如彈丸核若木梳子而不堅肉薄于荔枝白而有漿其甘如蜜實極繁每枝三二十顆作穗如蒲桃漢時

南海常貢之大為民害臨武長唐堯上書言狀和帝感其言下詔止之時珍曰龍眼正圓別錄燕恭比之檳榔殊不類也其木性畏寒白露後方可採摘晒焙令乾成朶乾者名龍眼錦救范成大桂海志有山龍眼出廣中色青肉如龍眼夏月實熟可噉此亦龍眼之野生者與

實氣味甘平無毒恭曰甘酸溫李廷飛曰生者沸湯淪過食不動脾

主治五臟邪氣安志厭食除蠱毒去三蟲久服強

魂聰明輕身不老通神明別錄開胃益脾補虛長智

時珍

發明時珍曰食品以荔枝為貴而資益則龍眼為良蓋荔枝性熱而龍眼性和平也嚴用和濟

生方治思慮勞傷心脾有歸脾湯取甘味歸脾能益人智之義

附方

新歸脾湯

治思慮過度勞傷心脾健忘怔忡

一 爽仁炒黃芪炙白朮焙伏神各一兩木香半兩炙

甘草二錢半吹咀每服五錢薑三片棗一枚水二

鍾煎一鍾溫服 濟生方

核

主治胡臭六枚同胡椒二七枚研遇汗出即擦

龍荔

綱目

釋名

見下

集解

時珍曰按范成大桂海志云龍荔出嶺南狀

如小荔枝而肉味如龍眼其木之身葉亦似

實主治甘熱有小毒生食令人發癩或見鬼物

○出桂海志

橄欖

釋名青果

梅聖俞集忠果 記事 諫果 出農書○時珍曰

果雖熟其色亦青故俗呼青果其有色黃者不堪

病物也王禎云其味苦澀久之方回甘味王元之

集解

志曰橄欖生嶺南樹似木樨子樹而高端正

之又有波斯橄欖生邕州色類相似但核作

兩瓣蜜漬食之說曰其樹大數圍實長寸許先生

者向後生者漸高熟時生食味酢蜜漬極甜

日按南州異物志云閩廣諸郡及綠海浦嶼間皆

有之樹高丈餘葉似樟柳二月開花八月成實狀如長棗兩頭尖青色核亦兩頭尖而有稜核內有三竅竅中有仁可食頌曰按劉恂嶺表錄異云橄欖樹枝皆高聳其子深秋方熟南人重之生嚼嚼之味雖苦澀而芬香勝於含鷄舌香也有野生者子繁而樹峻不可梯緣但刻根下方寸許納鹽入內一夕子皆自落木亦無損其枝節間有脂膏如桃膠南人采取和皮葉煎汁熬如黑錫謂之欖糖用泥船隙牢如膠漆着水益乾也時珍曰橄欖樹高將熟時以木釘釘之或納鹽少許於皮內其實一夕自落亦物理之妙也其子生食甚佳蜜漬鹽藏皆可致遠其木脂狀如黑膠者土人采取蒸之清烈謂之欖香雜以牛皮膠者即不佳矣又有綠欖色綠烏欖色青黑肉爛而甘取肉搥碎乾放自有霜如白鹽謂之欖醬青欖核內仁乾小惟烏欖仁最肥大有文層疊如海蝶蚶狀而味甘美謂之欖仁又有一種方欖出廣西兩江峒中似橄欖而有三角或四角即是波斯橄欖之類也

實氣味酸甘溫無毒

宗奭曰味澀良久乃甘

熱多食能致上壅時珍曰橄欖鹽過則不苦澀同栗子食甚香按延壽書云凡食橄欖必去兩頭其性熱也過白露摘食庶不病疴

魚毒 嚼汁嚙之治魚鯁宗奭 生啖煮汁能解諸毒

蘇頌 開胃下氣止瀉大 生津液止煩渴治咽喉痛咀

嚼嚙汁能解一切魚鼈毒時珍

發明

志曰鰈魚即河豚也人誤食其肝及子必迷悶至死惟橄欖及木煮汁能解之其木作

舟橄欖着魚皆浮出故知物有相畏如此者時珍曰按名醫錄云吳江一富人食鰈魚被鰈橫在胃中不上不下痛聲動隣里半月餘幾死忽遇漁人張九令取橄欖與食時無此果以核研末急流水

調服骨遂下而愈張九云我父老相傳橄欖木作
取魚棹筴魚觸着即浮出所以知魚畏橄欖也今
人煮河豚團魚皆用橄欖乃知
橄欖能治一切魚鱉之毒也

附方 新 初生胎毒 小兒落地時用橄欖一箇燒研
砂末五分和勻嚼生脂麻一

口吐唾和藥絹包如棗核大安兒口中待啞一个
時頃方可與乳此藥取下腸胃積毒令兒少疾及

出痘稀少也 ○ 唇裂生瘡 橄欖炒研豬
孫氏集効方 脂和塗之 牙齒風疳

膿血有虫用橄欖燒研入 下部疳瘡 橄欖燒存性
麝香少許貼之 聖惠方 研末油調敷

之或加孩兒茶等
分 乾坤生意

欖仁 氣味甘平無毒 主治唇吻燥痛研爛傳之 寶開

核 氣味甘濇溫無毒 主治磨汁服治諸魚骨鯁及

食鱠成積又治小兒痘瘡倒靨燒研服之治下血

時珍

附方 新 腸風下血 橄欖核燈上燒存性研末每服
三錢陳米飲調下 仁齋宜指

方 陰腎癩腫 橄欖核荔枝核山槿核等分燒存性
研末每服二錢空心茴香湯調下

耳足凍瘡 橄欖核燒研油調
塗之 乾坤生意

木威子 拾遺

釋名 未詳 **集解** 藏器曰 木威生嶺南山谷樹高丈餘
葉似棟葉子如橄欖而堅亦似棗削

去皮可為糝食 時珍曰 木威子橄欖之類也陳氏
說出顧微廣州記中而梁元帝金樓子云橄欖樹

之南向者為橄欖東向者
為木威此亦傳聞謬說也

實氣味酸辛無毒時珍曰按廣州記云苦澀 王治心中惡水水

氣藏

菴摩勒

唐附 校正自木部移入此

釋名餘甘子唐本 菴摩落迦果藏器曰梵書名菴摩勒又名摩勒落迦果

其味初食苦澀良久更甘故曰餘甘

集解恭曰菴摩勒生嶺南交廣愛等州樹葉細似合昏其花黃實似李奈青黃色核圓有稜或

六或七其中仁亦入藥用 琀曰生西國者大小如枳橘子狀頌曰餘甘子今二廣諸郡及西川戎瀘蠻界山谷皆有之木高一二丈枝條甚軟葉青細密朝開暮歛如夜合而葉微小春生冬彫三月有花着條而生如粟粒微黃隨即結實作蓬每條三兩子至冬而熟如李子狀青白色連核作五六瓣

乾卽並核皆裂俗作果子噉之時珍曰餘甘泉州山中亦有之狀如川棟子味類橄欖亦可蜜漬鹽藏其木可製器物按陳祈暢異物志云餘甘樹葉如夜合及槐葉其枝如柘其花黃其子圓大如彈丸色微黃有文理如定陶瓜核有五六稜初入口苦澀良久飲水更甘鹽而蒸之尤美其說與兩蘇所言相合而臨海異物志云餘甘子如梭形大如梅子其核兩頭銳與橄欖一物異名也然橄欖形長尖餘甘形圓稍有不同葉形亦異蓋二物也又蘓恭言其仁可入藥而未見王治何病豈亦與果耶 同功

實氣味甘寒無毒陶曰苦酸 王治風虛熱氣唐本補

益強氣合鐵粉一斤用變白不老取子壓汁和油

塗頭生髮去風癢令髮生如漆黑也藏器 王丹石傷

肺上氣欬嗽久服輕身延年長生服乳石人宜常

食之李珣為末點湯服解金石毒宗奭解硫黃毒時珍○出

益部方物圖

發明 宗奭曰黃金得餘甘則體柔亦物類相感相伏也故能解金石之毒云

仁

毗梨勒 唐本草

校正 自木部移入此

釋名 **三果** 珣曰木似訶梨勒而子亦相似但圓而毗故以名之毗即臍也

集解 蔡曰毗梨勒出西域及南海諸國嶺南交愛等州戎人謂之三果樹似胡桃子形亦似胡

桃核似訶梨勒而圓短無稜用亦同法番人以此作漿甚熱

實氣味 苦寒無毒 珣曰味苦帶澀微溫無毒作藥性熱 **主治** 風虛熱

氣功 同菴摩勒 唐本 暖腸腹去一切冷氣作漿染鬚

髮變 黑色 甄權 下氣止瀉痢 大明 燒灰乾血有效 李珣

發明 時珍曰毗梨勒古方罕用惟千金方補腎鹿角丸用三果漿吞之云無則以酒代之則此

果亦餘甘之類而性稍溫瀦也

附方 新 大風髮脫 毗梨勒燒灰頻擦有効 聖惠方

五斂子 綱目

釋名 **五稜子** 桂海 陽桃 時珍曰按稽含草木狀云南人呼稜為斂故以為名

集解 時珍曰五斂子出嶺南及閩中閩人呼為陽桃其大如拳其色青黃潤綠形甚詭異狀如

田家碌碡上有五稜如刻起作劍脊形皮肉脆軟其味初酸久甘其核如柰五月熟一樹可得數石十月再熟以蜜漬之甘酢而美俗亦晒乾以充果食又有三廉子蓋亦此類也陳祈暢異物志云三廉出熙安諸郡南人呼稜為廉雖名三廉或有五六稜者食之多汁味甘且酸尤宜與眾果參食

實氣味甘澹平無毒主治風熱生津止渴

時珍曰五子樹今潮州有之按裴淵廣州記云五子實大如梨而內有五核故名

實氣味甘溫無毒主治霍亂金瘡宜食之 時珍曰潮州志

榧實

別錄下品 校正 時珍曰別錄木部有榧實又有榧實本草魚虫部有榧子宋開寶本草退榧子入有名未用今據蘆菘之說合併于下

釋名 榧子

音彼 神農 赤果 用日 玉榧 用日 玉山果 亦作榧其木名文木斐然章采故謂之榧信州玉山縣者為佳故蘆菘東坡詩云彼美玉山果粲為金盤實榧子見下瑞曰土人呼為赤果亦曰玉榧

集解

別錄曰榧實生永昌彼子生永昌山谷弘景曰彼子亦名罷子從來無用者古今諸醫不復識之榧實出東陽諸郡恭曰彼子當從木作榧子誤入虫部也爾雅彼亦名結其葉似杉木如栢而微軟子名榧子宜入果部又註榧實云即虫部彼子也其木大連抱高數仞其葉似杉其木如栢其理似松臙細軟堪為器用宗奭曰榧實大如橄欖殼色紫褐而脆其中子有一重黑粗衣其仁黃白色嚼久漸甘美也藏器曰榧華即榧子之華也榧與榧同榧樹似杉子如長檳榔食之肥美本經虫部有彼子陶氏復于木部出榧實榧華皆一物也穎曰榧有一種粗榧其木與榧相似但理粗色

赤耳其子稍肥大僅圓不尖神農本草彼子即粗
 榧也時珍曰榧生深山中呼為野杉按羅願爾
 雅翼云被似杉而異于杉彼有美實而木有文采
 其木似桐而葉似杉絕難長木有牝牡牡者華而
 牝者實冬月開黃圓花結實大小如棗其核長如
 橄欖核有尖者不尖者無稜而殼薄黃白色其仁
 可生啖亦可焙收以小而心實者為佳一樹不下
 數十斛陶氏不識被子准蘓恭能辨為一物也

榧實 別錄 **氣味甘平瀆無毒** 瑞曰性熱同鴛肉食生
 氣時珍曰按物類相感志云榧煮素羹味更甜美
 豬脂炒榧黑皮自脫榧子同甘蔗食其渣自軟又
 云榧子皮反葉
 豆能殺人也

主治 常食治五痔去三蟲蠱毒鬼
 疰惡毒 別錄 食之療寸白蟲 弘景 消穀助筋骨行營衛
 明目輕身令人能食多食一二升亦不發病 孟詵

食滑腸五痔人宜之 宗奭 治欬嗽白濁助陽道 生編

被子 本經 舊作彼 **氣味甘溫有毒** 主治腹中邪氣去三

蟲蛇螫蠱毒鬼疰伏尸 本經

發明 震亨曰榧子肺家果也火炒食之香酥甘美
 但多食則引火入肺大腸受傷爾原曰榧子

殺腹間大小虫小兒黃瘦有虫積者宜食之蘇東
 坡詩云驅除三彭虫已我心腹疾是矣時珍曰榧
 實被子治療相同當為一物無疑但本經被子有
 毒似有不同亦因其能殺虫蠱爾汪穎以粗榧為
 被子終是一類
 不甚相遠也

附方 舊一 寸白蟲 說曰日食榧子七顆滿七日蟲
 新五 皆化為水也 外臺秘要用榧

子一百枚去皮火燃啖之經宿
 虫消下也胃弱者啖五十枚
好食茶葉 面黃者
 每日食

榧子七枚以愈為度
令髮不落
榧子三箇胡桃二箇側柏葉一兩搗浸雪

水梳頭髮永不落
卒吐血出
先食蒸餅兩三箇以榧子為末白湯服三

錢日三服
尸咽痛痒
語言不出榧實半兩蕪荑

聖濟總錄
蜜丸彈子大含
燕聖濟總錄

榘華
別錄○春月生采之
氣味苦
主治水氣去赤

蟲令人好色不可久服
別錄

海松子
宋開寶

釋名新羅松子

集解
志曰海松子狀如小栗三角其中仁香美東夷當果食之亦代麻腐食之與中國松子不

同如巴豆新羅往往進之頌曰五粒字當作五鬣音

傳訛也五鬣為一叢或有兩鬣七鬣者松歲久則

實繁中原雖有小而不及塞上者佳好也瑞曰松

子有南松北松華陰松形小殼薄有斑極香新羅

者肉甚香美時珍曰海松子出遼東及雲南其樹

與中國松樹同惟五葉一叢者毬內結子大如巴

豆而有三稜一頭尖爾久收亦油馬志謂似小栗

殊失本體中國松子大如栢子亦可入藥不堪果

食詳見木部松下按段成式酉陽雜俎云予種五

鬣松二株根大如碗結實與新羅南詔者無別其

三鬣者俗呼孔雀松亦有七鬣者或云三鬣者為

枯子松五鬣者為松子松

仁氣味甘小温無毒
珣曰新羅松子甘美大温去

皮食之甚香與雲南松子不

同雲南松子似巴豆其味不及與卑古國偏桃仁

相似多食發熱毒時珍曰按醫說云食胡羊肉不

可食松子而物類相感志云凡雜色羊肉入松子則無毒其說不同何哉主治骨節風

頭眩去死肌變白散水氣潤五臟不饑開寶逐風痺

寒氣虛羸少氣補不足潤皮膚肥五臟別錄主諸風

溫腸胃久服輕身延年不老李珣潤肺治燥結欬嗽

時珍同栢子仁治虛秘宗奭

發明時珍曰服食家用松子皆海松子曰中國松子肌細力薄只可入藥耳按列僊傳云倭倭好食松實體毛數寸走及奔馬又犢子少在黑山食松子茯苓壽數百歲又赤松子好食松實天門冬石脂齒落更生髮落更出莫知所終皆指此松子也

附方舊一服松子法七月取松實過時即落難收也去木皮膏收之每服

子大酒調下日三服百日身輕三百日行五百里絕穀久服神仙渴即飲水亦可以鍊過松脂同服之

肺燥欬嗽蘇遊鳳髓湯川松子仁一兩胡聖惠方

小兒寒嗽或作壅喘用松子湯點服外臺秘要

大便虛秘松子仁栢子仁麻子仁等分研泥溶白蠟和丸梧子大每服五

錢乙小兒方

十九黃芪湯下

冠宗奭

檳榔別錄中品 **校正**自木部移入此

釋名賓門李當之 **仁頻**音賓 **洗瘴丹**時珍曰賓與即皆貴客之稱

舍南方草木狀言交廣人凡貴勝族客必先呈此果若邂逅不設用相嫌恨則檳榔名義蓋取于此

雷敷炮炙論謂尖者為檳。圓者為柳。亦似強說。又顏師古註上林賦云。仁頻。即檳柳也。詵曰。閩中呼為檳。

集解

別錄曰。檳柳生南海。弘景曰。此有三四種。出交州者。形小味甘。廣州以南者。形大味澀。又有大者。名豬檳柳。皆可作藥。小者名蒟子。俗呼為檳柳。孫亦可食。恭曰。生交州。愛州及崑崙。頌曰。今嶺外州郡皆有之。木大如桃柳。而高五七丈。正直無枝。皮似青桐。節似桂枝。葉生木顛。大如楮頭。又似芭蕉葉。其實作房。從葉中出。旁有刺若棘針。重疊。其下一房數百實。如雞子狀。皆有皮殼。其實春生。至夏乃熟。肉滿殼中。色正白。蘇恭言。其肉極易爛。不經數日。今入北者。皆先以灰煑熟。焙熏令乾。始可留久也。小而味甘者。名山檳柳。大而味澀核亦大者。名豬檳柳。最小者名蒟子。雷氏言。尖長而有紫文者。名檳。圓大而矮者。名榔。榔力大而檳力小。今醫家亦不細分。但以作雞心狀。正穩心不虛。

舶

稍

破之作錦文者為佳。爾嶺南人噉之以當果食。言南方地濕不食此。無以祛瘴癘也。生食其味苦澀。得扶留藤與瓦屋子灰。同咀嚼之。則柔滑甘美也。劉恂嶺表錄云。真檳榔來自船上。今交廣生者皆大腹子也。彼中悉呼為檳榔。或云檳榔難得真者。今賈人所貨者。皆是大腹檳榔也。與檳榔相似。但莖葉幹小異。爾連皮收之。時珍曰。檳榔樹初生若筍竿。質硬。引莖直上。莖幹頗似桃榔。椰子而有節。旁無枝柯。條從心生。端頂有葉。如甘蔗。條派開破。風至則如羽扇。掃天之狀。三月葉中腫起一房。因自拆裂出穗。凡數百顆。大如桃李。又生刺。重累于下。以護衛。其實五月成熟。剝去其皮。煑其肉而乾之。皮皆筋絲。與大腹皮同也。按漢俞益期與韓康伯牋云。檳榔子既非常。木亦特異。大者三圍。高者九丈。葉叢樹端。房棲葉下。華秀房中。子結房外。其擢穗似黍。其綴實似穀。其皮似桐。而厚。其節似竹。而概。其內空。其外勁。其屈如伏虹。其申如縱繩。本不大。末不小。上不傾。下不斜。調直亭亭。千百如一。

步其林則寥朗。其陰則蕭條。信可長吟遠想。但
怪不奈霜。不得比植。必當遐樹。海南遼然。萬里弗
遇。長者之目。令人恨深也。又竺法真羅山疏云。山
檳榔一名蒟子。生日南。樹似併欄而小。與檳榔同
狀。一叢十餘幹。一幹十餘房。一房數百子。子長寸
餘。五月采之。味近苦甘。觀此則山檳榔即蒟子。豬
山檳榔。溼者為豬檳榔。似欠分明。

檳榔子修治 數曰頭圓矮毗者為榔形尖紫文者
存坐穩正心堅有錦文者為妙。半白半黑并心虛
者不入藥。用以刀刮去底細切之。勿令經火。恐無
力。若熟使不如不用。時珍曰。近時方藥亦有以火
煨焙用者。然初生白檳榔須本境可得。若他處者
必經煑熏。安得生者耶。又檳榔生食。必以扶留藤
古賁灰為使。相合嚼之。吐去紅水。一口乃滑。美不
相合如此。亦為異矣。俗謂檳榔為命。賴扶留以此

古賁灰即蠟蚌灰也。賁乃蚌
字之訛。瓦屋子灰亦可用。**氣味**苦辛溫澀無毒
甄權曰味甘大寒。大明曰味澀弘景曰交州者味
甘。廣州者味澀。珣曰白者味甘赤者味苦。元素曰
味辛而苦。純陽也。無毒。說曰多食亦發熱。**主治**消穀逐水除痰癖殺三
蟲伏尸寸白。別錄治腹脹生擣末服。利水殺道傳瘡
生肌肉止痛燒灰傳口吻白瘡。宣利五臟六腑
壅滯破胸中氣下水腫治心痛積聚。除一切風
下一切氣通關節利九竅補五勞七傷健脾調中
除煩破癥結。明大主賁豚膀胱諸氣五膈氣風冷氣
脚氣宿食不消。李治衝脉為病氣逆裏急。好治瀉

本草綱目果部卷三十一 十六

痢後重心腹諸痛大小便氣秘痰氣喘急療諸瘧

禦瘴癘時珍

發明 元素曰檳榔味厚氣輕沉而降陰中陽也苦以破滯辛以散邪泄胸中至高之氣使之下行性如鐵石之沉重能墜諸藥至於下極故治諸氣後重如神也時珍曰按羅大經鶴林玉露云嶺南人以檳榔代茶禦瘴其功有四一曰醒能使之醉蓋食之入則熏然頰赤若飲酒然蘓東坡所謂紅潮登頰醉檳榔也二曰醉能使之醒蓋酒後嘔之則寬氣下痰餘醒頓解朱晦菴所謂檳榔收得為祛痰也三曰饑能使之飽四曰飽能使之饑蓋空腹食之則充然氣盛如飽飽後食之則飲食快然易消又且賦性疏通而不洩氣稟味嚴正而更有餘甘有是德故有是功也又按吳興章傑瘴說云嶺表之俗多食檳榔日至十數夫瘴癘之作率因飲食過度氣痞積結而檳榔最能下氣消食去

痰故人細于近利而闕於遠慮也夫嶠南地熱四時出汗人多黃瘠食之則臟器踈洩一旦病瘴不致發散攻下豈盡氣候所致檳榔蓋亦為患始未思爾又東陽盧和云閩廣人常服檳榔云能祛瘴有瘴服之可也無瘴而服之寧不損正氣而有開門延寇之禍乎南人喜食此果故備考諸說以見其功過焉又朱晦菴檳榔詩云憶昔南遊日初嘗面發紅藥囊知有用茗筮詎能同蠲疾收殊効修真錄異功三彭如不用茗筮詎能同蠲疾收殊効其治疾殺虫之功而不滿其代茶之俗也

附方 舊十三 痰涎為害 檳榔為末白湯每服 嘔吐

痰水 白檳榔 一盞煎半盞溫服 千金 醋心吐水

檳榔四兩橘皮一兩為末每服方 傷寒痞滿 陰病
寸七空心生蜜湯調下 梅師方 傷寒痞滿 下早
成痞按之虛軟而不痛檳榔根實等分 傷寒結胸
為末每服二錢黃連煎湯下 宣明方

已經汗下後者橫椰二兩酒二盞
煎一盞分二服 龐安時傷寒論 蛇厥腹痛 方同

心脾作痛 雞心檳榔高良姜各一錢半陳
米百粒同以水煎服之 疝指 膀胱諸

氣 檳榔十二枚一熟為末酒煎服之
良此太醫秦鳴鶴方也 海藥本草 本臟氣

痛 雞心檳榔以小便磨半筒服或用
燕酒調末一錢服之 斗門方 腰重作痛 檳

為末酒服一 **脚氣壅痛** 以沙牛屎一盞磨檳榔一
錢 斗門方 脚氣壅痛 枚空心暖服 梅師脚氣

論 **脚氣衝心** 悶亂不識人用白檳榔十二枚為末
服或入薑汁溫 **脚氣脹滿** 非冷非熱或老人弱人

酒同服 廣利 **脚氣脹滿** 病此用檳榔仁為末以
檳榔殼煎汁或茶飲蘓湯或乾霍亂病 心腹脹

汁調服二錢甚利 外臺秘要 **乾霍亂病** 痛不吐
不利煩悶欲死用檳榔末五錢童子 **大腸濕悶** 腸

小便半盞水一盞煎服 聖濟總錄

有濕大便秘塞大檳榔一枚麥門冬煎湯磨
汁溫服或以蜜湯調末二錢服亦可 普濟 大小

便閉 檳榔為末蜜湯調服二錢或以童子
小便葱白同煎服之亦良 普濟方 小便淋

痛 麩煨檳榔赤芍藥各半兩為末每服三錢
入燈心水煎空心服日二服 十便良方 血淋

作痛 檳榔一枚以麥門冬煎湯細磨
為末每日空心一盞頓熱空心服日二服 蟲痔裏急 檳

白湯調服二錢 寸白蟲病 檳榔二七枚為末先
皮取一升空心調末方寸匕服之經日 諸蟲在臟

虫盡出未盡再服以盡為度 千金方 金瘡惡心 檳

久不瘡者檳榔半兩炮為末每服二 聖惠方

錢以葱蜜煎湯調服一錢 聖惠方

榔四兩橘皮一兩為末每空 丹從臍起 檳榔末醋

心生蜜湯服二錢 聖惠方

本事 **小兒頭瘡** 木磨檳榔取粉和 口吻生瘡 檳

本草綱目 卷三十一 十八

燒研入輕粉
末傅之良
聽耳出膿
檳榔未吹之
鮑氏方

大腹子
宋開寶

校正
自木部
移入此

釋名大腹檳榔
經圖豬檳榔
時珍曰大腹以形名
所以別雞心檳榔也

集解
志曰大腹生南海諸國
所出與檳榔相似
葉根幹小異耳
弘景曰向陽者為檳榔
向陰者為大腹
時珍曰大腹子出嶺表
滇南即檳榔中
一種腹大形扁而味澀者
不似檳榔尖長味良耳
所謂豬檳榔者是矣
蓋亦土產之異
今人不甚分別
陶氏分陰陽之說
亦是臆見
按劉珣嶺表錄云
交廣生者非船上檳榔
皆大腹子也
彼中悉呼為檳榔
自嫩及老采實啖之
以扶留藤瓦屋灰同食
之以祛瘴癘
收其皮入藥
皮外黑色皮內皆筋絲
如椰子皮又雲南記云
大腹檳榔每枝有三二百顆
青時剖之以一片萋葉及蛤粉
卷和食之即減
澀味觀此二說則大腹子與檳榔皆可通用
但力

比檳榔
稍劣耳

大腹子氣味辛澀温無毒
主治與檳榔同功
時珍

大腹皮修治
思邈曰鴉鳥多集檳榔樹上
凡用檳榔皮宜先以酒洗後以大豆汁再洗

過晒乾入灰
火燒煨切用
氣味辛微温無毒
主治冷熱氣攻心

腹大腸蠱毒痰膈醋心
並以薑塩同煎入䟽氣藥

用之良
寶開
下一切氣止霍亂通大小腸健脾胃

調中
大明
降逆氣消肌膚中水氣浮腫脚氣壅逆瘡

瘡痞滿胎氣惡阻脹悶
時珍

附方
新
漏瘡惡穢
大腹皮煎湯
烏癩風瘡
大腹子
生者或

ヤシヨシ

乾者連全皮勿傷動以酒一升浸之慢火熬乾為末臘豬脂和傳 聖濟總錄

椰子 寶未開

校正 移自木部入此

釋名越王頭 網胥餘 時珍曰按嵇含南方草木狀云相傳林邑王與越王有怨

使刺客乘其醉取其首懸于樹化為椰子其核猶有兩眼故俗謂之越王頭而其漿猶如酒也此說

雖謬而俗傳以為口實南人稱其君長為爺則椰名蓋取于爺義也相如山林賦作胥餘或作胥耶

集解 志曰椰子生安南樹如棕櫚子中有漿飲之

志云木似桃椰無枝條高餘丈葉在木末如束蒲其實大如瓠垂於枝間如掛物然實外有粗皮如

櫻色皮內有堅殼圓而微長殼內有膚白如豬膚厚半寸許味如胡桃膚內裹漿四五合如乳飲之

冷而動氣醺人殼可為器肉可糖煎寄遠作果甚佳 珣曰按劉欣期交州記云椰樹狀若海櫻實大

瓠

如梳外有粗皮如大腹子豈菹之類內有漿似酒飲之不醉生雲南者亦好宗奭曰椰子開之有汁

白色如乳如酒極香別是一種氣味強名為酒中有紋若婦人裙褶味亦如汁與着殼一重白肉皆可

糖煎為果其殼可為酒器如酒中有毒則酒沸起或裂破令人漆其裏即失用椰子之意時珍曰椰

子乃果中之大者其樹初栽時用鹽置根下則易發木至斗大方結實大者三四圍高五六丈木似

桃椰檳榔之屬通身無枝其葉在木頂長四五尺直聳指天狀如棕櫚勢如鳳尾二月開花成穗出

於葉間長二三尺大如五斗器仍連着實一穗數枚小者如栝樓大者如寒瓜長七八寸徑四五寸

懸着樹端六七月熟有粗皮包之皮內有核圓而黑潤甚堅硬厚二三分殼內有白肉瓠如凝雪味

甘美如牛乳瓠肉空處有漿數合鑽蒂傾出清美如酒若久者則混濁不佳矣其殼磨光有斑顯點

紋橫破之可作壺爵縱破之可作瓢杓也又唐史

本草綱目果部 卷三十一 二十

言。番人以其花造酒飲之亦醉也。類書有青田核樹頭酒。嚴樹酒。皆椰酒椰花之類。並附于左。

附錄青田核 崔豹古今注云。烏孫國有青田核。狀如桃核。不知其樹核大如數斗。剖之

盛水。則變酒味。甚醇美。飲盡。隨即注水。隨盡。隨成。但不可久。久則苦澀。爾謂之青田酒。漢末蜀王劉

璋命樹頭酒。寰宇志云。緬甸在滇南。有樹頭櫻。高

懸于實下。剖其實。汁流于罐中。以成酒。名樹頭酒。或不用翅。惟取汁熬為白糖。其樹即貝樹也。緬人

取其葉。嚴樹酒。一統志云。瓊州有嚴樹。搗其皮葉

寫書。數日成酒。能醉人。又梁書云。頓遜國有酒樹。似

安石榴。取花汁貯盃中。數日成酒。蓋此類也。又有

文章草。可以成酒。

椰子瓢氣味甘平無毒 主治益氣 治風 食之

不饑令人面澤 時珍。出異物志。

椰子漿氣味甘溫無毒 日。其性熱。故飲之者多昏

如醉狀。異物志云。食其肉。則不饑。飲其漿。則增渴。 主治止消渴塗頭益髮

令黑 寶開 治吐血水腫去風熱 李珣

發明 震亨曰。椰子生海南極熱之地。土人賴此解夏月毒渴。天之生物各因其材也。

椰子皮修治 頌曰。不拘時月。采其根皮入藥。灸用一云其實皮亦可用。 氣味苦

平無毒 主治止血療鼻衄吐逆霍亂煮汁飲之 寶開

治卒心痛燒存性研以新汲水服一錢極驗 時珍。出

方 龔氏

殼主治楊梅瘡筋骨痛燒存性臨時炒熱以滾酒

泡服二三錢暖覆取汗其痛即止神驗時珍

無漏子拾遺

釋名千年棗開寶萬歲棗一統志海棗草木狀波斯棗拾遺

番棗嶺表錄異金果輟耕錄木名海櫻嶺表錄鳳尾蕉時珍曰無

漏名義未詳。千年萬歲言其樹性耐久也。曰海曰波斯曰番。言其種自外國來也。金果貴之也。曰櫻曰蕉象其幹葉之形也。番人名其木曰窟莽。名其實曰苦魯麻棗。苦麻窟莽皆番音相近也。

集解藏器曰無漏子即波斯棗。生波斯國。狀如棗。實三四丈。至巔四向共生十餘枝。葉如櫻。攔彼土

劉恂嶺表錄云廣州有一種波斯棗木無旁枝。直

人呼為海櫻木。三五年一着子。每朶約三二十顆。都類北方青棗。但小爾。船商亦有携本國者。至中國。色類沙糖。皮肉軟爛。味極甘。似此地天蒸棗。而其核全別。兩頭不尖。雙卷而圓。如小塊。紫礦。種之

不生。蓋蒸熟者也。時珍曰。千年棗雖有棗名。別是一物。南番諸國皆有之。即杜甫所賦海櫻也。按段

成式。酉陽雜俎云。波斯棗生波斯國。彼人呼為窟莽樹。長三四丈。圍五六尺。葉似上藤。不凋。二月生

花。狀如蕉花。有兩瓣。漸漸開。罅中有十餘房。子長

二寸。黃白色。狀如棟子。有核。六七月熟。則子黑。狀

類乾棗。食之味甘如飴也。又陶九成輟耕錄云。四

川成都有金果樹。六株相傳。漢時物也。高五六丈。圍三四尋。挺直如矢。木無枝柯。頂上有葉。如櫻

欄皮如龍鱗。葉如鳳尾。實如棗。而大。每歲仲冬有

司具祭。收采令醫工以刀剥去青皮。石灰湯淪過

入冷熱蜜浸。換四次。瓶封進獻。不如此法。則生澀

不可食。番人名為苦魯麻棗。蓋鳳尾蕉也。一名萬

歲棗。泉州有萬年棗。即此物也。又稽含草木狀云。

脚

海棗大如杯椀。以此安期海上如瓜之棗似未得其詳也。巴旦杏亦名忽鹿麻。別是一物也。

實氣味甘溫無毒 主治 補中益氣除痰嗽補虛損

好顏色令人肥健 藏器 消食止欬治虛羸悅人久服

無損 李璠

桃椰子

宋開寶

校正

自木部移入此

釋名 木名 姑椰木

臨海異志

麪木

伽藍記

董櫻

楊慎

鐵

木

時珍曰其木似檳榔而光利故名桃椰子。姑椰其音訛也。麪言其粉也。鐵言其堅也。

集解

頌曰桃椰子嶺南廣州郡皆有之。人家亦植之。庭院間其木似檳榔而堅硬。其內取麪。其子作穗。生木端不拘時。月采之。按劉恂嶺表

經。其子作穗。生木端不拘時。月采之。按劉恂嶺表

南方之木也 詳廣東新語 赤舶來 一名麪樹

錄云桃椰子木枝葉並著茂。與檳榔小異。然葉下有鬚。如粗馬尾。廣人采之以織巾子。得鹹水浸即粗脹而韌。彼人以縛海船不用釘線。木性如竹。紫黑色。有文。理。而。堅。工。人。解。之。以。製。博。奕。局。其。樹。皮。中。有。屑。如。麪。可。作。餅。食。藏。器。曰。按。臨。海。異。物。志。云。姑。椰。木。生。於。嶺。南。外。皮。有。毛。如。棕。櫚。而。散。生。其。木。剛。利。如。鐵。可。作。鈿。鋤。中。濕。更。利。惟。中。焦。則。易。敗。爾。物。之。相。伏。如。此。皮。中。有。白。粉。似。稻。米。精。及。麥。麪。可。作。餅。餌。食。名。桃。椰。麪。彼。土。少。穀。常。以。牛。酪。食。之。時。珍。曰。桃。椰。二。廣。交。蜀。皆。有。之。按。郭。義。恭。廣。志。云。木。大。者。四。五。圍。高。五。六。丈。拱。直。無。旁。枝。巔。頂。生。葉。數。十。破。似。棕。葉。其。木。肌。堅。斫。入。數。寸。得。粉。赤。黃。色。可。食。又。顧。玠。海。嶽。錄。云。桃。椰。木。身。直。如。杉。又。如。棕。櫚。椰子。實。櫚。波。斯。棗。古。散。諸。樹。而。稍。異。有。節。似。大。竹。樹。杪。挺。出。數。枝。開。花。成。穗。綠。色。結。子。如。青。珠。每。條。不。下。百。顆。一。樹。近。百。餘。條。團。團。懸。掛。若。傘。極。可。愛。其。木。最。重。色。類。花。梨。而。多。紋。番。船。用。代。鐵。鎗。可。愛。鋒。鏗。甚。利。古。散。亦。木。名。可。為。杖。又。名。虎。散。

子氣味苦平無毒主治破宿血

寶開

麩氣味甘平無毒主治作餅炙食腴美令人不饑

補益虛羸損乏腰脚無力久服輕身辟穀

李珣

紗木麩

蘇音梭

校正

自木部移入此

釋名穰木

音襄時珍曰紗字韻書不載惟孫愐唐韻紗字註云樹似枕柳則紗字當作莎衣之莎其葉離披如莎衣之狀故謂之莎也張勃吳錄地理志言交趾穰木皮中有白粉如米屑乾之搗末以水淋過似麩可作餅食者即此木也後人訛穰為莎音相近爾楊慎扈言乃謂穰木即枕柳誤矣按左思吳都賦云麩有枕柳又曰文穰積檀既是一物不應兩用矣

集解

珣曰按蜀地云紗木生南中入郡樹高十餘丈闊四五圍峯頭生葉兩邊行列如飛鳥翼

皮中有白麩石許搗篩作餅或磨屑作飯食之彼人呼為紗麩輕滑美好勝于枕柳麩也藏器曰紗木生嶺南山谷大者木皮內出麩數斛色黃白時珍曰按劉欣期交州記云都勾樹似櫻欄木中出屑如枕柳麩可作餅餌恐此即穰木也

紗麩氣味甘平溫無毒主治補益虛冷消食

李珣

補久食不饑長生

藏器

波羅蜜

綱目

釋名曩伽結

時珍曰波羅蜜梵語也因此果味甘故借名之安南人名曩伽結波斯人

名婆那姿佛林人名阿薩躡皆一物也

集解

時珍曰波羅蜜生交趾南番諸國今嶺南滇南亦有之樹高五六丈樹類冬青而黑潤

之。葉極光淨。冬夏不凋。樹至斗大方結實。不花而實出於枝間。多者十數枚。少者五六枚。大如冬瓜。外有厚皮。裹之。若栗毬。上有軟刺。礪礪。五六月熟。時顆重五六斤。剥去外皮。殼內肉層疊如橘囊。食之味至甜美。如蜜。香氣滿室。一實凡數百核。核大如棗。其中仁如栗黃。煮炒食之甚佳。果中之大者。惟此與椰子而已。

瓢氣味甘香微酸平無毒主治止渴解煩醒酒益

氣令人悅澤時珍

核中仁氣味同瓢主治補中益氣令人不饑輕健

無花果時珍
物食

釋名映日果

便民

優曇鉢

廣州

阿駟

音楚○時珍曰無花果也

數種。此乃映日果也。即廣中所謂優曇鉢。及波斯所謂阿駟也。

集解

時珍曰。無花果。出揚州及雲南。今吳楚閩越人家。亦或折枝挿成。枝柯如枇杷。樹三月發

葉。如花。構葉。五月內不花。而實實出。枝間狀如木饅頭。其內虛軟。采以益積。實令扁。日乾。充果食

熟。則紫色。軟爛。甘味如柿。而無核也。按方輿志云。廣西優曇鉢。不花而實。狀如枇杷。又段成式酉陽

雜俎云。阿駟。出波斯。拂林人呼為底珍樹。長丈餘。枝葉繁茂。有子如蓖麻。無花而實。色赤。類柀。一

月而熟。味亦如柿。二書所說。皆即此果也。又有文光果。天仙果。皆無花之果。並附于左。

附錄文光果

出景州。形如無花果。肉味如栗。五月成熟。

天仙果

出四州。樹高八

九尺。葉似荔枝。而小。無花而實。子如櫻桃。纍纍綴枝間。六七月熟。其味至甘。宋祁方物贊云。有子孫

枝不花而實薄言古度子出交廣諸州樹葉如栗不花而實枝柯間生子

大如石榴及櫨子而色赤味醋煮以爲粽食之若數日不煮則化作飛蟻穿皮飛去也

實氣味甘平無毒主治開胃止洩痢 治五痔咽

喉痛時珍

葉氣味甘微辛平有小毒主治五痔腫痛煎湯頻

熏洗之取效震

阿勃勒拾遺 校正自木部移入此

釋名婆羅門皂莢拾遺 波斯皂莢時珍曰婆羅門西域國各波斯西南

集解藏器曰阿勃勒生拂林國狀似皂莢味甘好喫時珍曰此卽波斯皂莢也按段成式酉陽雜俎云波斯皂莢彼人呼爲忽野簾拂林人呼爲阿利樹長三四丈圍四五尺葉似枸櫞而短小經寒不凋不花而實莢長二尺中有隔隔內各有一子大如指頭赤色至堅硬中黑如墨味甘如飴可食亦入藥也

附錄羅望子時珍曰按桂海志云出廣西殼長數寸如肥皂及刀豆色正丹內有二三

子子煨食 子氣味苦大寒無毒主治心隔間熱風心黃骨蒸

寒熱殺三蟲藏器 炙黃入藥治熱病下痰通經絡療

小兒疳氣李珣

沙棠果

綱目

集解

時珍曰按呂氏春秋云果之美者沙棠之實今嶺外寧鄉瀧水羅浮山中皆有之木狀如棠黃花赤實其味如李而無核

實氣味甘平無毒主治食之却水病

時珍○山海經

探子

音蟾拾遺

集解

藏器曰探子似梨生江南左思吳都賦探留禦霜是也時珍曰探留二果名按薛瑩荆陽異物志云探子樹南越丹陽諸郡山中皆有之其實如梨冬熟味酢劉子樹生交廣武平興古諸郡山中二月着花結實如梨七八月熟色黃味甘酢而核甚堅

實氣味甘澀平無毒主治生食之止水痢熟和蜜

劉當作留

食之去嗽

藏器

鹿目

拾遺

校正

自木部移入此

釋名鬼目

藏器曰此出嶺南狀如鹿目故名陶氏註豈惹引鹿目小冷即此也後人訛為

鬼目

集解

時珍曰鬼目有草木三種此乃木生者其草鬼目別見草部白英下又羊蹄菜亦名鬼目並物異名同按劉欣期交州記云鬼目出交趾九真武平興古諸處樹高大似棠梨葉似楮而皮白二月生花仍連着子大者如木瓜小者如梅李而小斜不周正七八月熟色黃味酸以蜜浸食之佳

氣味酸甘小冷無毒多食發冷痰

藏器

都梔子

拾遺

本草綱目果部

卷三十一

二十七

釋名構子

時珍曰：桶音角，太平御覽作桶子，音同。上聲，蓋傳寫之訛也。亦與楮構之構名。

同實異。陳祈暢異物志贊云：構子之樹，枝葉四布，名同種異。實味甜酢，果而無核，裏面如素。折酒止

醒，更為遺賸。

集解

璠曰：按徐表南州記云：都桐子生廣南山谷，樹高丈餘，二月開花，連着實，大如鷄卵。七月

熟，時珍曰：按魏王花木志云：都桐樹出九真交趾，野生，二三月開花，赤色，子似木瓜。八九月熟，里民

取食之，味酢，以鹽酸漚食，或蜜藏皆可。云狀如青梅。

實氣味酸澀平無毒，主治久食益氣止洩，藏安神。

溫腸治痔，久服無損，李璠酒止煩渴，時珍。

都念子

拾遺

釋名倒捻子

詳下文

集解

藏器曰：杜寶拾遺錄云：都念子生嶺南，隋煬帝時進百株，植于西苑。樹高丈餘，葉如白楊，

枝柯長細，花心金色，花赤如蜀葵，而大子如小棗，蜜漬食之，甘美，益人。時珍曰：按劉恂嶺表錄云：倒

捻子，窠叢不大，葉如苦李，花似蜀葵，小而深紫，南中婦女多用染色，子如軟柿，外紫內赤，無核，頭上

有凹葉，如柿蒂，食之必捻其蒂，故謂之。倒捻子，訛而為都念子也。味甚甘軟，軟一作券。

實氣味甘酸小溫無毒，主治痰嗽噦氣，藏暖腹臍。

益臍肉，時珍錄。

都咸子

拾遺

校正

自木部移入此

集解

藏器曰：都咸子生廣南山谷，按徐表南州記云：其樹如李，子大如指，取子及皮葉曝乾，作

飲極香美也。時珍曰：按稽含南方草木狀云：都咸樹出日南。三月生花，仍連着實，大如指，長三寸七。八月熟，其色正黑。

子及皮葉氣味甘平無毒。主治火乾作飲止渴潤

肺去煩除痰。藏器去傷寒清涕欬逆上氣宜煎服之。

李

摩厨子

集解：藏器曰：摩厨子生西域及南海并斯調國。子如瓜，可為茹，其汁香美。如中國用油，陳所暢

異物志贊云：木有摩厨，生自斯調，厥汁肥潤，其澤如膏。馨香復郁，可以煎蒸。彼州之人以為嘉殺。珣曰：摩厨二月開花，四五月結實，如瓜狀。時珍曰：又有齊墩果，德慶果亦其類也。今附于左。

附錄齊墩果

西陽雜俎云：齊墩果樹生波斯及佛林似陽桃。五月熟，西域人壓為油。以前餅果如中國之用，巨勝也。德慶果一統志云：州出之，其樹冬榮，子大如盃，炙而食之，味如猪肉也。

實氣味甘香平無毒。主治益氣潤五臟，久服令人

肥健。藏器安神養血生機，久服輕健。李珣

韶子

集解：藏器曰：韶子生嶺南。按裴淵廣州志云：韶葉如猪肪，着核不離，味甘酢，核如荔枝。時珍曰：按范成大虞衡志云：廣南有山韶子，夏熟，色紅，肉如荔枝。又有藤韶子，秋熟，大如梟卵，柿也。二字術。

又良物

實氣味甘溫無毒王治暴痢心腹冷氣
藏器

馬檳榔會編

釋名馬金囊雲南志馬金南珠事紫檳榔綱目

集解時珍曰馬檳榔生滇南金齒沅江諸夷地。蔓生結實大如葡萄。紫色味甘。內有核。頗似大

楓子。而殼稍薄。團長。斜扁不等。核內有仁亦甜。

實氣味甘寒無毒

核仁氣味苦甘寒無毒機曰凡嚼之者以冷水一

也人主治產難臨時細嚼數枚并華水送下須臾立

產再以四枚去殼兩手各握二枚惡水自下也欲

斷產者常嚼二枚水下久則子宮冷自不孕矣機注

傷寒熱病食數枚冷水下又治惡瘡腫毒內食一

枚冷水下外嚼塗之即無所傷珍時

枳椇音止矩校正自木部移入此

釋名蜜檳椇音止矩蜜屈律廣記木蜜徐遺木飭同木冊

瑚廣志雞距子蘇文鷄爪子俗名木名白石木唐註金鈎木

地志枳椇音雞交加枝時珍曰枳椇徐錯註說文作

之意。此樹多枝而曲其子亦卷曲。故以名之。曰蜜。曰錫。因其味也。曰冊。曰雞距。曰鷄爪。象其形也。按雷公炮炙序云。斝箒淡鹵。如酒霑交。註云。交加

枝即蜜棧也。又詩話云：子生枝端，橫折岐出狀。若枿，故土人謂之枿。枿，珍謂枿枿及俗稱雞。矩，蜀人之稱。枿，枿。枿，真人之稱。雞，橘。子，巴人之稱。金，鈎。廣人之稱。結，留。子，散。見書記者，皆枿。枿，雞。涖之字，方音轉，異爾。俗又訛雞。雞，瓜。為曹公。瓜，或謂之梨。棗樹，或謂之癩。漢指頭，崔豹古今注：一名樹。蜜，一名木。石一作蜜。皆一物也。

集解

恭曰：枿，枿。子，其樹徑尺，木名白石，葉如桑。枿，其子作房，似珊瑚核，在其端。人皆食之。頌曰：此詩小雅所謂南山有枿也。陸機疏義云：枿，枿樹。高大如白楊，所在皆有。枝柯不直，子着枝端，啜之甘美。如飴，入九月熟。江南特美之，謂之木蜜。能敗酒味。若以其木為柱，則屋中之酒皆薄也。說曰：昔有南人修舍，用此木，誤落一片入酒甕中，酒化為甜嫩。葉可生啜，味如蜜。老枝細破，煎汁成蜜，倍甜。止渴解煩也。時珍曰：枿，枿。木高三四丈，葉圓大如

桑柘。夏月開花，枝頭結實，如雞爪形，長寸許，紐曲開作二三岐。儼若雞之足距。嫩時青色，經霜乃黃。嚼之味甘如蜜。每開岐盡處，結一二小子，狀如蔓。荆子內有扁核，赤色如酸棗仁形。飛鳥喜巢其上。故宋玉賦云：枿，枿。來巢。曲禮云：婦人之贊。根，榛。脯，修。即此也。鹽藏，荷裹，可以備冬儲。

實氣味甘平無毒

說曰：多食發蛇虫

主治 頭風小腹拘急

唐本 **止渴除煩去膈上熱潤五臟利大小便功用同**

蜂蜜枝葉煎膏亦同

藏器 **止嘔逆解酒毒辟蟲毒** 時珍

發明

震亨曰：一男子年三十餘，因飲酒發熱，又兼房勞虛乏，乃服補氣血之藥，加葛根以解酒毒。微汗出人，反懈怠，熱如故。此乃氣血虛，不禁葛根之散也。必須雞距子解其毒。遂煎藥中加而服之，乃愈。時珍曰：枿，枿。本草止言木能敗酒，而丹溪朱氏治酒病，往往用其實，其功當亦同也。按蘇東

坡集云眉山揭穎臣病消渴日飲水數斗飯亦倍
常小便頻數服消渴藥逾年疾日甚自度必死予
令延蜀醫張肱診之笑曰君幾誤死乃取麝香當
門子以酒濡濕作十許丸用棘枸子煎湯吞之遂
愈問其故肱曰消渴消中皆脾弱腎敗上不制水
而成疾今穎臣脾脈極熱而腎氣不衰當由果實
酒物過度積熱在脾所以食多而飲水水飲既多
溺不得不多非消非渴也麝香能制酒果花木棘
枸亦勝酒屋外有此木屋內釀酒多不佳故以此
二物為藥以去其酒果之毒也棘枸實如雞距故
俗謂之雞距亦曰癩漢指頭食之如牛乳本草名
根根小兒喜食之吁古人重格物若肱蓋得此理
矣醫云

木汁氣味 同根

附方 新 腋 下 狐 氣

用桔枸樹鑿孔取汁一二碗用青木香東桃西榔七姓婦人乳

一處煎一二沸就熱於五月五日雞叫時洗了將水放在十字路口速回勿顧即愈只是他人先遇者必帶去也桔枸樹即梨棗樹也 胡澹衛生易簡方

木皮氣味甘溫無毒主治五痔和五臟 唐本

本草綱目果部第三十一卷 終

茶順茶 專本 臯薑命薑

鹽菜干海平茹食烟草州 開寶 醃林干圖

畢登張山州 吳菜蕒本 食菜蕒本

蔓琳本 此琳本 尚琳本

秦琳本 羅琳本 蚩琳本

○果之四 和醃一十三種

本草綱目果部第三十二卷

○果之四 味類一十三種

秦椒本經 校正自木部 釋名 大椒爾雅 檄檄 花椒

集解 別錄曰秦椒生泰山山谷及秦嶺上或瑯琊

大色黃黑味亦頗有椒氣或云即今膠樹子膠乃

豬椒惡謬恭曰秦椒樹葉及莖子都似蜀椒但味

短實細爾藍田秦嶺間大有之嶺曰今秦鳳明越

金商州皆有之初秋生花秋末結實九月十月采

之獨雅云檄大椒郭璞注云椒叢生實大者為檄

也詩唐風云椒聊之實繁衍盈升陸機疏義云椒

樹似茱萸有針刺葉堅而滑澤味亦辛香蜀人作

茶吳人作茗皆以其葉合煮為香今成臯諸山有

竹葉椒其木亦如蜀椒小毒熱不中合藥也可入

飲食中及蒸雞豚用東海諸島上亦有椒枝葉皆

相似子長而不圓甚香其味似橘皮。島上麋鹿食其葉。其肉自然作椒橘香。今南北所生一種。椒其實大於蜀椒。與陶氏及郭陸之說正相合。當以實大者為秦椒也。宗奭曰。此秦地所產者。故言秦椒。大率椒株皆相似。但秦椒葉差大。粒亦大而紋低。不若蜀椒。皺紋為高異也。然秦地亦有蜀椒。種時珍曰。秦椒花椒也。始產于秦。今處處可種。最易蕃衍。其葉對生。尖而有刺。四月生細花。五月結實。生青熟紅。大於蜀椒。其目亦不及蜀椒。目光黑也。范子計然云。蜀椒出武都。赤色者善。秦椒出隴西。天水。粒細者善。蘇頌謂其秋初生花。蓋不然也。

修治 同蜀椒

椒紅 氣味辛温有毒 別錄曰生温熟寒有毒權曰若辛○之才曰惡苦萋防葵

畏雌黃 主治除風邪氣温中去寒痺堅齒髮明目久

服輕身好顏色耐老增年通神 本經 療喉痺吐逆疝

瘕去老血產後餘疾腹痛出汗利五臟 別錄 上氣欬

嗽久風濕痺 孟詵 治惡風遍身四肢癢痺口齒浮腫

搖動女人月閉不通產後惡血痢多年痢療腹中

冷痛生毛髮滅癩 甄權 能下腫濕氣 震亨

附方 舊六新 膏痺尿多 其人飲少用秦椒二分出汗瓜蒂二分為末水服方寸七

日三服 傷寒類要 手足心腫 乃風也椒鹽末等分醋和傳之良 肘後方 損瘡

中風 以麩作餅包秦椒于灰中燒之令熟斷火開口封于瘡上冷即易之 孟詵食療 久

患口瘡 大椒去閉口者水洗麩拌煮作粥空腹吞之飯壓下重者可再服以瘥為度 食

療本 牙齒風痛 秦椒煎醋含漱 百蟲入耳 椒末一錢醋半

草 盞浸良久少少滴入 自出 續千金方

蜀椒 本經 中品

校正 自木部 移入此

釋名 巴椒 漢椒 川椒 南椒 唐點 煎炙 論 殺 唐 點

椒 詩珍曰蜀古國名漢水名今川西成都廣漢潼川諸處是矣巴亦國名又水名今川東重慶夔州順慶閬中諸處是矣川則巴蜀之總稱因

集解 別錄曰蜀椒生武都山谷及巴郡八月采實 裹白氣味濃江陽晉康及建平間亦有而細赤辛 而不香力勢不如巴郡者恭曰今出金州西域者 最佳頌曰今歸峽及蜀川陝洛間人家多作園圃 種之木高四五尺似茱萸而小有針刺葉堅而滑

可糞飲食四月結子無花但生干枝葉間顯如小 豆而圓皮紫赤色八月采實焙乾江淮北土亦有 之莖葉都相類但不及蜀中者良而皮厚裹白味 烈也時珍曰蜀椒肉厚皮皺其子光黑如人之瞳 仁故謂之椒目他椒子雖光黑亦 不似之若上椒則子無光彩矣

修治 敦曰凡使南椒須去日及閉戶者以酒拌濕 蒸從巳至午放冷密蓋無氣後取出便入籠 器中勿令傷風也宗奭曰凡用秦椒蜀椒並微炒 使出汗乘熱入竹筒中以梗搗去裏面黃殼取紅 用未盡再搗或只炒熟隔紙鋪 地上以椀覆待冷碾取紅用

椒紅氣味辛溫有毒 喘促口閉者殺人訖曰五月 食椒損氣傷心令人多忘李廷飛曰久食令人失 明傷血脈之才曰杏仁為之使得鹽味佳畏款冬 花防風附子雄黃可收水銀 中其毒者凉水麻仁漿解之

主治 邪氣欬逆溫中

人字行

本草綱目卷三十一

椒

三

逐骨節皮膚死肌寒熱痺痛下氣久服頭不白輕

身增年本經除六腑寒冷傷寒温瘧大風汗不出心

腹留飲宿食腸辟下痢洩精女子字乳餘疾散風

邪痲結水腫黃疸鬼疰蠱毒殺蟲魚毒久服開腠

理通血脉堅齒髮明目調關節耐寒暑可作膏藥

別錄治頭風下淚腰脚不遂虚損留結破血下諸石

水治欬嗽腹内冷痛除齒痛甄權破癥結開胸治天

行時氣產後宿血壯陽療陰汗暖腰膝縮小便止

嘔逆大明通神去老益血利五臟下乳汁滅癥生毛

髮孟詵散寒除濕解鬱結消宿食通三焦温脾胃補

右腎命門殺蛇蟲止泄瀉時珍

發明頌曰服食方單服椒紅補下宜用蜀椒乃作

段成式言椒氣下達餌之益下不衝也時

珍曰椒純陽之物乃手足太陰右腎命門氣分之

藥其味辛而麻其氣温以熱稟南方之陽受西方

之陰故能入肺散寒治欬嗽人脾除濕治風寒濕

痺水腫瀉痢入右腎補火治陽衰溲數足弱久痢

諸證一婦年七十餘病瀉五年百藥不效予以感

應九五十九投之大便二日不行再以平胃摻加

椒紅茴香棗肉為丸與服遂瘳每因怒食舉發服

之即止此除濕消食温脾補腎之驗也按歲時記

言歲旦飲椒柏酒以辟疫癘椒乃玉衡星精服之

令人體健耐老柏乃百木之精為仙藥能伏邪鬼

故也吳猛真人服椒訣云椒稟五行之氣而生葉

青皮紅花黃膜白子黑其氣馨香其性下行能使

火熱下達不致上薰芳艸之中功皆不及其方見
下時珍竊謂椒紅丸雖云補腎不分水火未免誤
人大抵此方惟脾胃及命門虛寒有濕鬱者相宜
若肺胃素熱者大宜遠之故丹溪朱氏云椒屬火
有下達之能服之既久則火自水中生故世人服
椒者無不被其毒也又上清訣云凡人喫飯傷飽
覺氣上衝心胸痞悶者以水吞生椒一二顆即
散取其能通三焦引正氣下惡氣消宿食也又戴
原禮云凡人嘔吐服藥不納者必有蛇在膈間蛇
聞藥則動動則藥出而蛇不出但於嘔吐藥中加
炒川椒十粒良蓋蛇見椒則頭伏也觀此則張仲
景治蛇厥烏梅丸中用蜀椒亦此義也許叔微云
大凡腎氣上逆須以
川椒引之歸經則安
附方 舊十二新
椒紅丸 治元臟傷憊目暗耳聾服
力是其效也服及三年心覺爽悟目明倍常面色
紅悅髮光黑用蜀椒去目及合口者炒出汗曝

乾搗取紅一斤以生地黃搗自然汁入銅器中煎
至一升候稀稠得所和椒末丸梧子大每空心暖
酒下三十九合藥時勿令婦人雞犬見詩云其椒
應五行其仁通六義欲知先有劫夜間無夢寐四
時去煩勞五臟調元氣明目腰不痛身輕心健記
別更有異能三年精自秘回老返嬰童康強不思
睡九虫頓消忘三尸自逃避
補益心腎 仙方椒苓
若能父餌之神仙應可冀
腎明目駐顏順氣祛風延年貴川椒一斤炒去汗
白茯苓十兩去皮為末煉蜜丸梧子大每服五十
丸空心鹽湯下忌鐵
虛冷短氣 川椒三兩去目并
器 邵真人經驗方
盛浸無灰酒五升
腹內虛冷 用生椒擇去不折者
中三日隨性飲之
一宿冷合口空心新汲水吞下久服暖臟
腑駐顏黑髮明目令人思飲食
冷蟲心痛 川椒四
痛 以布裹椒安痛處用熨斗熨
冷椒出汗即止 孫真人方

本草綱目果部 卷三十一 二

汗酒一梳淋之服 陰冷入腹 有人陰冷漸漸冷氣
酒 壽域神方 椒包囊下熱氣大 呃噫不止 川椒
悶欲死以布裹椒包囊下熱氣大 呃噫不止 川椒
通日再易之以消為度 千金 傳尸勞瘵 最殺勞
炒研麪糊丸梧子大每服十九 方 黃草紙二重隔之妙
醋湯下神効 邵以正經驗方 傳尸勞瘵 最殺勞
川椒紅色者去子及合口以黃草紙二重隔之妙
出汗取放地上以砂盆蓋定以火灰密遮四旁約
一時許為細末去殼以老酒浸白糕和丸梧子大
每服四十九食前鹽湯下服至一斤其疾自愈此
藥兼治諸痺用肉桂煎湯下腰痛用茴香湯下腎
冷用鹽湯下昔有一人病此遇異人授是方服至
二斤吐出虫如蛇而安遂 歷節風痛 白虎歷節
名神授丸 陳言三因方 治痺疾 寒濕脚氣 川椒
理枯虛生虫遊走痒痛兼治痺疾 寒濕脚氣 川椒
半身不遂即上治勞瘵神授丸方 諸瘡中風 生蜀椒一升
升疎布囊盛之日以踏脚 諸瘡中風 以少麪和搜
貴人所用 大全良方

暴椒勿冷漏氣分作兩裹于煨灰火中燒熟刺頭
作孔當瘡上罨之使椒氣射入瘡中冷即易之須
史瘡中出水及遍體出冷 瘡腫作痛 生椒末釜下
汗即瘥也 韋宙獨行方 紅椒七粒葱頭七箇煮
分研醋和傅之 囊瘡痛痒 水洗之 一人途中苦此
外臺秘要 囊瘡痛痒 水 洗之 一人途中苦此
湘山寺僧授此方數日 手足皴裂 椒四合以水煮
愈名驅風散 經驗方 漆瘡作癢 譚氏方用
食頃出令燥須臾再浸候乾 漆瘡作癢 譚氏方用
塗豬羊腦髓極妙 勝金方 夏月濕瀉 川椒炒取
洗之○相感志云凡至漆所 夏月濕瀉 川椒炒取
嚼川椒塗鼻上不生漆瘡 餐瀉不化 及久痢小
煨各一兩為末粳米飯丸梧 餐瀉不化 及久痢小
子大每量人米飲服百丸 普濟 父冷下痢 或不痢
蒼木二兩土炒碾末醋糊丸 普濟 父冷下痢 或不痢
子大每米飲服五十丸 普濟 父冷下痢 或不痢
冷用蜀椒三升酢漬一宿麴三升同椒 老小洩瀉
一升拌作粥食不過三升瘥 千金方

本草綱目卷之二十一 漆 漆瘡 漆瘡作癢 漆瘡作癢 漆瘡作癢

小兒水瀉及人年五十以上患瀉用椒二兩醋二升煮醋盡慢火焙乾碾末麤器貯之每服二錢七

酒及米飲下譚氏水瀉奶疳椒一分去目碾漠酥調少少

齡食茶百黃川椒紅炒碾漠糊丸梧子大傷寒齒

方傷寒嘔血繼而齒縫出血不止用開口川椒四

直指風蟲牙痛總錄用川椒紅漠水和白麩丸皂

椒四錢牙皂七七頭上白禿花椒漠豬脂調傳三

婦人禿髮漢椒四兩酒浸密室內日日蠍螫作痛

川椒嚼細塗之微麻百蟲入耳川椒碾細浸醋灌

毒蛇咬螫以閉口椒及葉搗蛇入人口因熱取涼

蛇入口不得出者用刀破蛇尾納生椒二小兒暴

三粒暴定須臾即自退出也聖惠方小兒暴

驚啼哭絕死蜀椒左顧牡蠣各六銖以酢舌蹇語

吃川椒以生麩包丸每服十痔漏脫肛嚼川椒一

錢涼水送下三五救急方川椒杏仁研膏塗掌

次即收同上腎風囊痒心合陰囊而卧甚効

椒目氣味苦寒無毒權曰苦辛主治水腹脹滿利

小便恭治十二種水氣及腎虛耳卒鳴聾膀胱急

權甄止氣喘震

發明權曰椒氣下達故椒目能治腎虛耳鳴用巴

本草綱目卷三十一

中抽之治腎氣虛耳中如風水鳴或如打鐘聲之
聲卒暴聾者一日一易神驗宗奭曰椒目治盜汗
有功將目微炒礮細用半錢以生豬上唇煎湯一
合睡時調服無不效蓋椒目能行水又治水蠱也
震亨曰諸喘不止用椒目炒礮二錢白湯調服二
三服以上劫之後乃隨痰火用藥時珍曰椒目下
達能行滲道不行穀道所以
能下水燥濕定喘消蠱也

附方 新水氣腫滿 椒目炒搗如膏每酒留飲腹痛

椒目二兩巴豆一兩去皮心熬搗以棗膏和丸麻
子大每服二九吞下其痛即止○又方椒目十四
枚巴豆一枚豉十六枚合搗為痔漏腫痛椒目一
二丸服之取吐利肘後方椒目炒礮細每溫酒
空心水服三錢崩中帶下椒目炒一鈞金匱鈞玄眼
如神海上方生黑花年久不可治者椒目炒一兩蒼朮炒一兩
生黑花為末醋糊丸梧子大每服二十九醋湯下

○本
事方

葉氣味 辛熱無毒 **主治** 奔豚伏梁氣及內外腎鈞

并霍亂轉筋和艾及葱礮以醋拌菴之大殺蟲洗

脚氣及漆瘡時珍

根氣味 辛熱微毒 **主治** 腎與膀胱虛冷血淋色瘀

者煎湯細飲色鮮者勿服時珍出證治要訣

崖椒宋圖

釋名 野椒

集解 頌曰施州一種崖椒葉大於蜀椒彼土人四
季采皮入藥時珍曰此即俗名野椒也不甚

本草綱目果部卷三十一

香而于灰色不黑無光野人用炒雞鴨食

椒紅氣味辛熱無毒忌益時珍 主治肺氣上喘兼

嗽嗽并野薑為末酒服一錢七蘇頌

蔓椒 本經

校正 自木部移入此

釋名豬椒別錄豕椒別錄彘椒別錄豨椒弘景狗椒別錄金椒

圖經時珍曰此椒蔓生氣臭如狗彘故得諸名

集解 別景曰蔓椒生雲中山谷及丘冢間采莖根

似椒樞而小不香一名豨椒可以蒸病出汗時珍

亦食之爾雅云椒檄醜採謂其子叢生也陶氏所謂膠子當作採子諸椒之通稱非獨蔓椒也

醜狗類

實根莖氣味苦溫無毒主治風寒濕痺歷節除

四肢厥氣膝痛煎湯蒸浴取汗本經根主痔燒末服

并煮汁浸之藏器賊風攣急孟詵通身水腫用枝葉煎

如汁熬如錫狀每空心服一匙日三服時珍出千金

地椒 宋嘉祐 校正 自草部移入此

集解 禹錫曰地椒出上黨郡其苗覆地蔓生莖葉

甚細花作小朶色紫白因舊莖而生時珍曰

地椒出北地即蔓椒之小者貼地生葉形小味微辛土人以煮羊肉食香美

實氣味辛溫有小毒主治淋瀝腫痛可作殺蛀蟲

本草綱目卷三十一 九

附方 新牙痛

地花椒川芎藳尖等分為漢擦之海上名方

胡椒 唐本草

校正 自木部移入此

釋名 味履支

時珍曰胡椒因其辛辣似椒故得椒名實非椒也

集解

恭曰胡椒生西戎形如鼠李子調食用之味甚辛辣真微曰按段成式酉陽雜俎云胡椒

出摩伽陀國呼為味履支其苗蔓生莖極柔弱葉長寸半有細條與葉齊條條結子兩兩相對其葉晨開暮合合則聚其子于葉中形似漢椒至辛辣六月采今食料用之時珍曰胡椒今南番諸國及交趾滇南海南諸地皆有之蔓生附樹及作棚引之葉如扁豆山藥輩正月開黃白花結椒纍纍纏藤而生狀如梧桐子亦無核生青熟紅青者更辣四月熟五月采收曝乾乃皺今遍中國食品為日用之物也

實氣味 辛大温無毒

時珍曰辛熱純陽走氣助火昏目發瘡

人吐

主治 下氣温中去痰除臟腑中風冷

唐本 去胃

口虚冷氣宿食不消霍亂氣逆心腹卒痛冷氣上

衝 李 調五臟壯腎氣治冷痢殺一切魚肉鼈蕈毒

大 去胃寒吐水大腸寒滑 宗 暖腸胃除寒濕反胃

虚脹冷積陰毒牙齒浮熱作痛

時珍

發明

宗夔曰胡椒去胃中寒痰食已則吐水甚驗大腸寒滑亦可用須以他藥佐之過劑則走

氣也震亨曰胡椒屬火而性燥食之快膈喜之者眾積久則脾胃肺氣大傷凡病氣疾人益大其禍也牙齒痛必用胡椒華菱者散其中浮熱也時珍曰胡椒大辛熱純陽之物腸胃寒濕者宜之熱病

本草綱目卷三十一

人食之動火傷氣陰受其害時珍自少嗜之歲歲
病目而不疑及也後漸知其弊遂痛絕之目病亦
止纔食一二粒即便昏澀此乃昔人所未試者蓋
辛走氣熱助火此物氣味俱厚故也病咽喉口齒
者亦宜忌之近醫每以綠豆同用治病有效蓋豆
寒椒熱陰陽配合得宜且以豆制椒毒也按張從
正儒門事親云噎膈之病或因酒得或因氣得或
因胃火醫氏不察火裏燒薑湯中煮桂丁香未已
荳蔻繼之華芩未已胡椒繼之雖日和胃胃本不
寒雖日補胃胃本不虛况三陽既結食心上潮止
宜湯丸小小潤之可也時珍竊謂此說雖是然亦
有食入反出無火之證又有痰氣鬱結得辛熱暫
聞之證不一也

附方 舊二 新 心腹冷痛 胡椒三七枚清酒吞之或
壽域方用椒四十九粒乳香一錢研勻

心下大痛 男用生薑女用當歸酒下○又方用椒

五分沒藥三錢研細分二服溫酒下○又霍亂吐
方胡椒綠豆各四十九粒研爛酒下神效
利孫真人用胡椒三十粒以飲吞之○直指方用
湯服反胃吐食 戴原禮方用胡椒醋浸日乾如此
一錢反胃吐食 七次為漢酒糊丸梧子大每服三
四十九粒醋湯下○聖惠方用胡椒七錢半煨薑一
兩水煎分二服○是齋百一方用胡椒半夏湯泡
等分爲漢薑汁糊丸梧子大每服湯下三十九粒
子大每薑湯下三十九粒 夏月冷瀉 及霍亂用胡椒
大每米飲下四十 赤白下痢 胡椒綠豆各一歲一
丸 衛生易簡方 大小便閉 關格不通脹悶二三
湯下 集簡方 一粒打碎水一盞煎六分去滓 小兒虛脹 塌氣九
入芒硝半兩煎化服 總錄 小兒虛脹 塌氣九
一兩蠍尾半兩爲漢麩糊丸粟米大每服五 虛寒
七丸陳米飲下一加萊蕪子半兩 錢乙方

積癖 在背膜之外流於兩脇氣逆喘急久則營衛凝滯潰為癰疽多致不救用胡椒二百五十

粒蠟尾四箇生木香二錢半為末粟米飯丸綠豆大每服二十九橘皮湯下名磨積丸 濟生方

房勞陰毒 胡椒七粒葱心二寸半麝香一分搗爛以黃蠟溶和做成條子挿入陰內少頃

汗出即愈 **驚風內釣** 胡椒木鱉子仁等分為末孫氏集効方 醋調黑豆末和杵丸綠豆

大每服三四十九 **發散寒邪** 胡椒丁香各七粒碾荆芥湯下 聖惠 傷寒欬逆 日夜不

兩手心合掌握定夾於大腿內 傷寒欬逆 止寒氣

側溫覆取汗則愈 傷寒蘊要 **風蟲牙痛** 衛生

攻胃也 胡椒三十粒打碎麝香半 **風蟲牙痛** 易簡

錢酒一鍾煎半鍾熱服 聖惠方 風蟲牙痛 易簡

方用胡椒草麥等分為末蠟丸麻子大每用一丸塞蛙孔中 韓氏醫通治風虫客寒三般牙痛 碎以絲吟不止用胡椒九粒綠豆十一粒布裹槌碎以絲綿包作一粒患處咬定涎出吐去立愈 普濟方

通名

畢澄茄 宋開 **校正** 自草部移入此

釋名毗陵茄子 時珍曰皆

集解 藏器曰畢澄茄生佛誓國狀似梧桐子及蔓

為澄茄向陽者為胡椒按願徵廣州志云澄茄生

諸海國乃嫩胡椒也青時就樹采搗極細而帶圓

頌曰今廣州亦有之春夏生葉青滑可愛結實似

梧桐子微大八月九月采之時珍曰海南諸番皆

用胡椒一錢半以羊脂拌打四十九擦之追涎

金茜根小藥皮等分為末水九梧子大每服二十

左阿膠湯下 時珍曰按西陽雜俎胡椒出摩伽

陀國此方之名 沙石淋痛 胡椒封之即不

因此而訛者也 名二物散 蜈蚣咬傷 胡椒多能鄙事

有之。蔓生。春開白花。夏結黑實。與胡椒一類。二種。正如大腹之與檳榔相近耳。

修治 數日凡采得去柄及皺皮了用酒浸蒸之從已至西杵細晒乾入藥用

實氣味 辛温無毒 珣曰辛 **王治** 下氣消食去皮膚

風心腹間氣脹令人能食療鬼氣能染髮及香身

藏治 一切冷氣痰癖并霍亂吐瀉肚腹痛腎氣膀胱

就冷 大暖脾胃止嘔吐噦逆 時珍

附方 新舊一脾胃虛弱 胸膈不快不進飲食用畢澄

先日二服 濟生方 噎食不納 畢澄茄白豆蔻等

神方 反胃吐食 吐出黑汁治不愈者用畢澄茄為

十九日一服愈後服平胃 傷寒欬逆 呢噫日夜不

散三百帖 永類鈴方 茄高良薑各等分為末每服二錢水六

分煎十沸入酢少許服之 燕頰圖經 痘瘡入目

羞明生醫畢澄茄末吹少許 鼻塞不通 而致者畢

澄茄丸用畢澄茄半兩薄荷葉三錢荆芥蕙一

錢半為末蜜丸茨子大時時含 御藥院方

附錄 山胡椒 唐本草恭曰所在有之似胡椒色黑

腹冷痛破滯 氣俗用有效

吳茱萸 本經 校正 自木部 移入此

釋名 藏器曰茱萸南北總有入藥以吳地者為好

莫有俞 由二音

集解

別錄曰吳茱萸生上谷及宛句九月九日采
陰乾陳久者良頌曰今處處有之江淮蜀漢
猶多木高丈餘皮青綠色葉似椿而潤厚紫色三
月開紅紫細花七月八月結實似椒子嫩時微黃
至熟則深紫或云顆粒緊小經久色青綠者是吳
茱萸顆粒大經久色黃黑者是食茱萸恐亦不然
按周處風土記云俗尚九月九日謂之上九茱萸
到此日氣烈熱色赤可折其房以挿頭云辟惡氣
禦冬又續齊諧記云汝南桓景隨費長房學道長
房謂曰九月九日汝家有灾厄宜令急去各作絳
囊盛茱萸以繫臂上登高飲菊花酒此禍可消景
如其言舉家登高山夕還見雞犬牛羊一時暴死
長房聞之曰此代之矣故人至此日登高飲酒戴
茱萸囊由此爾時珍曰茱萸枝柔而肥葉長而皺
其實結於稍頭纍纍成簇而無核與椒不同一種
粒大一種粒小小者入藥為勝淮南萬畢術云井
上宜種茱萸葉落井中入飲其水無瘟疫懸其子
於屋辟鬼魅五行志云舍東種白楊茱萸增年除

害

修治

教曰凡使去葉梗每十兩以益二兩投東流
水四斗中分作一百度洗之自然無涎日乾
入丸散用之若用醋煮者每十兩用醋一鎰煮三
十沸後入茱萸熬乾用宗奭曰凡用吳茱萸須深
湯中浸去苦烈汁氣味辛温有小毒權曰辛若大
七次始可焙用陰經血分少陰厥陰經氣分思遠曰陳久者良閉
口者有毒多食傷神令人起伏氣咽喉不通時珍
曰辛熱走氣動火昏目發瘡○之才曰藜實為之
使惡丹參消石白堊畏紫石英主治温中下氣止痛除濕血痺逐

風邪開腠理欬逆寒熱本經利五臟去痰冷逆氣飲

食不消心腹諸冷絞痛中惡心腹痛別錄霍亂轉筋

胃冷吐瀉腹痛產後心痛治遍身癢痺刺痛腰脚

軟弱利大腸壅氣腸風痔疾殺三蟲殺惡蟲毒

牙齒蟲蠱鬼魅疰氣藏器下產後餘血治腎氣脚氣

水腫通關節起陽健脾大主痢止瀉厚腸胃肥健

人孟治痞滿塞胃咽膈不通潤肝燥脾好開鬱化

滯治吞酸厥陰痰涎頭痛陰毒腹痛疝氣血痢喉

舌口瘡時珍

發明頌曰段成式言椒氣好下茱萸氣好上言其

也宗奭曰此物下氣最速腸虛人服之愈甚元素

日氣味俱厚浮而降陽中陰也其用有三去胸中

逆氣滿塞止心腹感寒疔痛消宿酒為白豆蔻之

使也果曰濁陰不降厥氣上逆咽膈不通食則令

人口開目瞪陰寒隔塞氣不得上下此病不已令

人寒中腹滿膨脹下利宜以吳茱萸之苦熱泄其

逆氣用之如神諸藥不可代也不宜多用恐損元

氣好古曰衝脈為病逆氣裹急宜此主之震坤合

見其色綠故仲景吳茱萸湯當歸四逆湯方治厥

陰病及溫脾胃皆用此也時珍曰茱萸辛熱能散

能溫苦熱能燥能堅故其所治之症皆取其散寒

溫中燥溼解鬱之功而已案朱氏集驗方云中丞

常子正苦痰飲每食飽或陰睛節變率同十日一

發頭疼背寒嘔吐酸汁即數日伏枕不食服藥罔

效宣和初為順昌司祿于太守蔡達道席上得吳

仙丹方服之遂不再作每遇飲食過多腹滿服五

七十九便已少頃小便作茱萸氣酒飲皆隨小水

而去前後痰藥甚眾無及此者用吳茱萸湯泡七

本草綱目卷三十一 十五

日乾每吞百粒温酒下又咽喉口舌生瘡者以茶
莫末醋調貼兩足心移夜便愈其性雖熱而能引
熱下行蓋亦從治之義而謂茶黃之性上行不下
者信不然也 有人治小兒痘瘡口噤者蓄茶黃一
二粒拌之即開

亦取其辛散耳

附方 新二十五 風痛痒痺 茶黃一升酒五升煮取
孟洗 賤風口偏 不能語者茶黃一升薑朮三升清
食療 服得少汗 冬月感寒 湯服之取汗 頭風作
即日 服得少汗 冬月感寒 湯服之取汗 頭風作

痛 茶黃煎濃湯以綿染頰 嘔涎頭痛 吳茶黃湯用
二十枚生薑一大兩人參一兩以水五升 嘔吐胸
煎取三升每服七合日三服 仲景方

滿方同 脚氣冲心 吳茶黃生薑搗汁 腎氣上噦 腎
飲甚良 孟詵方

自腹中起上築于咽喉逆氣連屬而不能出或至
數十聲上下不得喘息此由寒傷胃腕腎虛氣逆
上乘于胃與氣相併難經謂之噦素問云病深者
其聲噦宜服此方如不止多期門關元腎俞穴用
吳茶黃醋炒熱橘皮附子去皮各一兩為末麩
糊丸梧子大每薑湯下七十九 孫氏仁存方 陰

毒傷寒 四股逆冷用茶黃一升酒拌溼絹袋二箇
包蒸極蒸更互熨足心候氣透痛亦即止

累有效 聖惠方 **中惡心痛** 吳茶黃五合酒三升煮
沸分三服 楊氏產乳 心腹

冷痛 方同上 **冷氣腹痛** 吳茶黃二錢搗爛以酒一
煎熱傾茶酒入鍋煎一滾 脾元氣痛 發歌不可忍
取服立止 唐琦經驗方 用茶黃一兩

取仁一兩和炒茶焦去茶取 棗仁去皮尖 寒疝往
研細葱白三莖煨熟酒浸温服 經驗方

來 吳茶黃一兩生薑半兩清酒 小腸疝氣 奪命丹
一升煎温分服 肘後方 治遠年

近日小腸疝氣偏墜掣疼下撮痛以致悶亂及
 外腎腫硬日漸滋長及陰間淫痒成瘡用吳茱萸
 去梗一斤分作四分四兩酒浸四兩醋浸四兩湯
 浸四兩童子小便浸一宿同焙乾澤瀉二兩為末
 酒糊丸梧子大每服五十九空心鹽湯或
 酒吞下如宜方名星斗丸
 小兒腎
 縮乃初生受寒所致用吳茱萸烟熏之
 婦人陰寒未煉蜜丸彈子大綿裹內陰中日再易
 之但子宮開即有子腸脫出
 朱黃三升酒五升煎
 手也經心錄子腸脫出
 二升分三服
 兵部
 集醋心上衣
 如濃酸用茱萸一合水三盞煎七分
 不發也累用
 食已吞酸
 胃氣虛冷者吳茱萸湯泡
 湯服一錢
 轉筋入腹
 分二服得下即安
 聖濟錄

霍亂乾嘔

不止吳茱萸泡炒乾薑炮
 多年脾泄
 多此謂之水土同化吳茱萸三錢炮過入水煎汁
 入鹽少許通口服蓋茱萸能暖膀胱水道既清大
 腸自固他藥雖熱不能分
 職寒泄瀉
 倦怠減食吳
 解清濁也
 孫氏仁存方
 炒猪臟半條去脂洗淨裝滿紮定文火煮熟擣
 丸梧子大每服五十九米飲下日二服
 普濟
 痢不止
 上方同
 下痢水泄
 吳茱萸泡炒黃連炒各二
 錢水煎服未止再服
 聖

赤白下痢

和劑局方戊巳丸治脾胃受溼下痢
 腹痛米穀不化用吳茱萸黃連白芍
 藥各一兩同炒為末蒸餅丸梧子大每服二三
 九米飲下
 百一選方變通丸治赤白痢日夜無
 度及腸風下血用川黃連二兩吳茱萸二兩湯泡
 七次同炒香揀出各自為末粟米飯丸梧子大另
 收每服三十九赤痢甘草湯下黃連丸白痢乾薑
 湯下茱萸丸赤白痢各用十五丸米湯下此乃漸

林藎綱目眼部
 卷三十一
 十一

西河山純老以傳蘇韜光者故人甚効○鄧筆峯
 襍典方二色丸治痢及水泄腸風用吳茱萸二兩
 黃連二兩同炒香各自為末以百草霜末二兩同
 黃連作丸以白芍藥末二兩同茱萸作丸各用飯
 丸梧子大各收每服五十九丸赤痢烏梅湯下
 連霜白痢米飲下茱萸丸赤白痢各半服之
赤痢
 臍痛 茱萸合黑豆湯 腸痔常血 下部痒痛如虫咬
 以酒沃之搗茱萸二升入坑乘熱坐有孔 腹中瘕
 板重之冷乃下不過三四度愈 肘後方
腹中瘕
 塊 更番熨之瘕移走逐熨之消乃止 姚僧坦集
 驗 產後盜汗 齋膏惡寒茱萸一雞子大酒 口瘡口
 方 茱萸末醋調塗足心 咽喉作痛 方同 牙齒疼痛
 疔 一夕愈 集簡方 小兒頭瘡 吳茱萸炒焦為末入汞
 之 孟詵本草 粉少許猪脂醋調塗之

聖方 小兒瘰癧 一名火灼瘡 一名火爛瘡 柴
 惠方 小兒瘰癧 及發乳諸毒用吳茱萸一
 風疹 方同上 癰疽發背 升壽為末用苦酒調塗
 上貼之 陰下濕痒 吳茱萸煎湯頻 骨在肉中 不
 外臺秘要 者咀茱萸封之骨當 魚骨入腹 刺痛不得出者吳
 腐出 孟詵食療 服其骨必軟出未 蛇咬毒瘡 用吳茱萸一兩為末
 出再服 同上 金勝 肩疽白禿 並用吳茱萸鹽淹過炒研 寒熱怪
 病 寒熱不止數日四肢堅如石繫之侶鐘磬聲日 夏子
 漸瘦惡用茱萸木香等分煎湯飲之愈 益方

葉氣味 辛苦熱無毒 主治 霍亂下氣止心腹痛冷

氣內外腎鈞痛塩碾菴之神驗乾即易轉筋者同

艾壽以醋和菴之明大治大寒犯腦頭痛以酒拌葉

袋盛蒸熟更互枕熨之痛止為度時珍

枝主治大小便卒關格不通取南行枝如手第二

指中節含之立下蘇頌○出姚僧坦集驗方

根及白皮氣味同葉主治殺三蟲經本蟻蟲治喉痺欬

逆止洩注食不消女子經產餘血療白癬別錄殺牙

齒蟲止痛藏器治中惡腹中刺痛下痢不禁療漆瘡

權

附方

舊二寸白蟲朱東北陰細根大如蠶者勿洗去土四寸切以水酒各一升

新二寸白蟲當取虫下千金方肝勞生蟲眼中赤脉吳茱萸根為末一兩半粳

米半合雞子白三箇化蠟一兩半和丸脾勞發熱

小豆大每米湯下三十九當取虫下

有虫在脾中為病令人好嘔者取東行茱萸根大者一尺大春子八升橘皮二兩三物咬明以酒一

斗浸一宿微火薄暖之絞去滓平旦空腹服一升取虫下或死或半爛或下黃汁凡作藥時切忌言

繁方腎熱肢腫拘急茱萸根一合半桑白皮三合酒二升煮一升日二服普

食茱萸

唐本草

校正

自木部移入此併入拾遺攬子

釋名

殺音殺殺音殺艾子圖越椒博欖子拾遺辣子弘景日禮

記名藜而俗中呼為櫟子當是不識藜字也恭曰爾雅云椒檄醜棣陸机詩疏云椒檄屬也並有櫟名陶說誤矣時珍曰此即櫟子也蜀人呼為艾子楚人呼為辣子古人謂之藜及櫟子因其辛辣莖口慘腹使人有殺毅黨然之狀故有諸名蘓恭謂菜萸之開口者為食菜萸孟詵謂菜萸之閉口者為櫟子馬志謂粒大色黃黑者為食菜萸粒緊小色青綠者為吳菜萸陳藏器謂吳食二菜萸是一物入藥以吳地者為良不當重出此條只可言漢與吳不可言食與不食時珍竊謂數說皆因菜萸二字相混致誤耳不知吳菜食菜乃一類二種菜萸取吳地者入藥故名矣菜萸櫟子則形味似菜萸惟可食用故名食菜萸也陳藏器不知食菜萸即櫟子重出櫟子一條正自誤矣按曹憲博雅云櫟子越椒菜萸也鄭樵通志云櫟子一名食菜萸以別吳菜萸禮記三牲用藜是食菜萸也二說足正諸人之謬

集解 櫟子出閩中江東其木高大似樗莖以寄遠吳越春秋云越以甘蜜九櫟報吳增封之禮則櫟之相贈尚矣頌曰食菜萸南比皆有其木亦甚高大有長及百尺者枝莖青黃上有小白點葉類油麻其花黃色蜀人呼為艾子禮記所謂藜者是也藜艾聲相近也宜入食羹中能發辛香時珍曰食菜萸櫟子辣子一物也高木長葉黃花綠子叢簇枝上味辛而苦土人八月採搗濾取汁入石灰攪成名曰艾油亦曰辣米油始辛辣蜚口入食物中用周處風土記以椒櫟薑為三香則自古尚之矣而今貴人罕用之

實氣味 辛苦大熱無毒時珍曰有小毒動脾火病腫虛恚之才

主治 功同吳菜萸力少劣爾療水氣

用之佳 心腹冷氣痛中惡除欬逆去臟腑冷温

中甚良孟詵療蠱毒飛尸着喉口者刺破以子揩之

令血出當下涎沫煮汁服之去暴冷腹痛食不消

殺腥物藏器治冷痢帶下暖胃燥濕時珍

附方新赤白帶下欖子石苜蒲等分爲末每日鹽酒溫服二錢經驗方

瀉虛痢腹痛者欖子丸治之欖子肉豆蔻各一兩陳米一兩半以米一分同二味炒黃爲末

陳米飲下五十九日三服普濟方

鹽麩子開寶校正自木部移入此

釋名五構音倍鹽膚子綱目鹽梅子同鹽棗子同木鹽

通天鹽靈草叛奴鹽拾遺酸桶拾遺藏器曰蜀人謂

構木皆
當作此

人謂之鹽麩戎人謂之木鹽時珍曰其味酸鹹故

有諸名山海經云棠山多構木郭璞注云構木出

蜀中七八月吐穗成時如有鹽粉可

以酢羹卽此也後人譌爲五倍矣

集解藏器曰鹽麩子生吳蜀山谷樹狀如椿七月

言人取子爲末食之酸鹹止渴將以防瘴時珍曰

膚木卽構木東南山原甚多木狀如椿其葉兩兩

對生長而有齒面青背白有細毛味酸正葉之下

節節兩邊有直葉貼莖如箭羽狀五六月開花青

黃色成穗一枝纒纒七月結子大如細豆而扁生

青熟微紫色其核淡綠狀如腎形核外薄皮上有

薄蓋小兒食之滇蜀人采爲木鹽葉上有虫結成

五倍子八月取之詳見虫部後魏書云勿吉國水

氣鹹凝鹽生樹上卽此物也別有成

平樹鹹草酸角皆其類也附見于左

附錄咸平樹真臘國人不能爲酸但用酸角雲南

鹹平樹葉及莢與子爲之臨安

本草綱目卷三十一

諸處有之。狀如猪牙皂。鹹草。扶桑東有女國。產鹹草。葉似邪蒿而氣香。

味鹹。彼人食之。

子氣味酸。鹹微寒。無毒。鹽霜制。汞硫。主治除痰飲瘡癩。

喉中熱結。喉痺。止渴。解酒毒。黃疸。飛尸。蠱毒。天行。

寒熱咳嗽。變白。生毛髮。去頭上白屑。搗末服之。藏器。

生津降火。化痰潤肺。滋腎消毒。止痢。收汗。治風濕。

眼病。時珍。

發明時珍曰。益越子氣寒味酸而鹹。陰中之陰也。鹹能更而潤。故降火化痰消毒。酸能收而澀。

故生津潤肺。止痢。腎主五液。入肺為痰。入脾為涎。入心為汗。入肝為淚。自入為唾。其本皆水也。益越

五倍。先走腎肝。有救水之功。所以痰涎盜汗。風濕下淚。涕唾之證。皆宜用之。

樹白皮。主治破血止血。蠱毒血痢。殺蛇蟲。并煎服。

之。開寶。

根白皮。主治酒疸。搗碎米泔浸一宿。平旦空腹溫。

服一二升。開寶。諸骨鯁。以醋煎濃汁。時呷之。時珍。

發明時珍曰。按本草集議云。益越子根能軟雞骨。

醋啖至三椀。便吐出也。又彭醫官治骨鯁。以此根搗爛。入鹽少許。綿裹。以線繫定。吞之。牽引上下。亦

骨也。

醋林子。圖經。

校正。自外類移入此。

釋名 時珍曰以味得名

集解 頌曰醋林子生四川邛州山野林箐中木高丈餘枝葉繁茂三月開白花四出九月十月

子熟纍纍數十枚成朶生青熟赤畧類櫻桃而蒂短熟時采之陰乾連核用土人以鹽醋收藏充果

食其葉味醋夷獠人采得入鹽和魚鮓食云勝用醋也

實氣味酸温無毒主治久痢不瘥及痔漏下血蛇

咬心痛小兒疳蚘心痛脹滿黃瘦下寸白蟲單禱

為末酒服一錢七甚效鹽醋藏者食之生津液醒

酒止渴多食令人口舌粗拆也

校正 自木部移入此

茗 唐本草

釋名苦楸 楸途二音 唐本 楸 爾雅設音 音舛頌曰郭璞

采為茗一名薺蜀人謂之苦茶陸羽云其名有五

一茶二檟三設四茗五薺時珍曰楊慎丹鉛錄云

茶即古茶字音途詩云誰謂茶苦其甘如濟是也

顏師古云漢時茶陵始轉途音為宅加切或言六

經無茶字未深攷耳

集解 神農食經曰茶茗生益州及山陵道傍凌冬

不死三月三日采乾茶曰茗生山南澤中山

谷爾雅云檟苦茶郭璞註云樹小似梔子冬生葉

可煮作羹飲頌曰今閩浙蜀江湖淮南山中皆有

之通謂之茶春中始生嫩葉蒸焙去苦水末之乃

可飲與古所食殊不同也陸羽茶經云茶者南方

嘉木自一尺二尺至數十尺其巴川峽山有兩人

合抱者伐而掇之木如瓜蘆葉如梔子花如白薔

薇實如枳椇萃如丁香根如胡桃其上者生爛石

中者生礫壤下者生黃土藝法如種瓜三歲可采

扶一作衝

造昔有法詳見茶譜茶之稅始于唐德宗盛于宋元及于我朝乃與西番互市易馬夫茶一木爾下為民生日用之資上為朝廷賦稅之助其利博哉昔賢所稱大約謂唐人尚茶茶品益衆有雅州之蒙頂石花露芽穀芽為第一建寧之北苑龍鳳團為上供蜀之茶則有東川之神泉獸目破州之碧澗明月夔州之真香邛州之火井思安黔陽之都濡嘉定之峨眉瀘州之納溪玉壘之沙坪楚之茶則有荊州之仙人掌湖南之白露長沙之鐵色蘄州蕪門之團面壽州霍山之黃芽廬州之六安英山武昌之樊山岳州之巴陵辰州之淑浦湖南之寶慶茶陵吳越之茶則有湖州顧渚之紫筍福州方山之生芽洪州之白露雙井之白毛廬山之雲霧常州之陽羨池州之九華丫山之陽坡袁州之界橋睦州之鳩坑宣州之陽坑金華之舉岩會稽之日鑄皆產茶有名者其他猶多而猥雜更甚按陶隱居註苦茶云西陽武昌廬江晉陵皆有好茗飲之宜人凡所飲物有茗及木葉天門冬苗菴蓟

葉皆益人餘物並冷利又巴東縣有真茶火煇作卷結為飲亦令人不眠俗中多煮檀葉及大皂李葉作茶飲並冷利南方有瓜蘆木亦似茗也今人采楷櫟山檮南燭烏藥諸葉皆可為飲以亂茶云
葉氣味苦甘微寒無毒
藏器曰苦寒又食令人瘦去人脂使人不睡飲之宜
熟冷則聚痰胡洽曰與樞同食令人身重李廷飛曰大湯及酒後飲茶水入腎經令人腰脚勝脆冷痛兼患水腫攣痺諸疾大抵飲茶宜熱宜少不飲尤佳空腹最忌之時珍曰服威靈仙土茯苓者忌飲

主治瘦瘡利小便去痰熱止渴令人少睡有力

悅志
神農食經下氣消食作飲加茱萸蔥薑良燕破熱

氣除瘴氣利大小腸藏清頭日治中風昏憤多睡

不醒好治傷暑合醋治泄痢甚效
陳承炒煎飲治熱

毒赤白痢同芎藭葱白煎飲止頭痛吳瑞濃煎吐風

熱痰涎時珍

發明好右曰茗茶氣寒味苦入手足厥陰經治陰

相似經云苦以泄之其體下行所以能清頭目機

日頭目不清熱熏土也以苦泄其熱則上清矣且

茶體輕浮采摘之時芽葉初萌正得春升之氣味

雖苦而氣則薄乃陰中之陽可升可降利頭日蓋

本諸此注頴曰一人好燒鴛炙燂日常不缺人咸

防其生癰疽後卒不病訪知其入每夜必吸涼茶

一椀乃知茶能解炙燂之毒也楊士瀛曰薑茶治

痢薑助陽茶助陰並能消暑解酒食毒且一寒一

熱調平陰陽不問赤白冷熱用之皆良生薑細切

與真茶等分新水濃煎服之蘇東坡以此治文潞

公有效時珍曰茶苦而寒陰中之陰沉也降也晁

龍降火火為百病大降則止清矣然火有五火有

虛實若少壯胃健之人心肺脾胃之火多盛故與

茶相宜溫飲則火因寒氣而下降熱飲則茶借火

氣而升散又兼解酒食之毒使人神思闊爽不昏

不睡此茶之功也若虛寒及血弱之人飲之既久

則脾胃惡寒元氣暗損土不制水精血潛虛成痰

飲成痞脹成痿痺成黃瘦成嘔逆成洞瀉成腹痛

或疝瘕種種內傷此茶之害也民生日用蹈其弊

者往往皆是而婦孺受害更多習俗移人自不覺
爾况真茶既少雜茶更多其為患也又可勝言哉
人有嗜茶成癖者時時咀吸不止久而傷營傷精
血不華色黃瘁痿弱抱病不悔尤可嘆惋晉干寶
換神記載武官周時病後啜茗一斛二升乃止纔
減升合便為不足有客令更進五升忽吐一物狀
如牛脾而有口澆之以茗盡一斛二升再澆五升
卽溢出矣人遂謂之斛茗瘕嗜茶者觀此可以戒
矣陶隱居雜錄言丹丘子黃山君服茶輕身換骨
壺公食忌言苦茶久食羽化者皆方士謬言誤世
者也按唐補闕毋臯茶序云釋滯消壅二日之利

暫佳瘠氣侵精終身之累斯大獲益則功歸茶力
貽忠則不謂茶災豈非福近易知禍遠難見乎又
宋學士蘇軾茶說云除煩去膩世故不可無茶然
暗中損人不少空心飲茶入直入腎經且冷脾
胃乃引賊入室也惟飲食後濃茶漱口既去煩膩
而脾胃不知且若能堅齒消蠹深得飲茶之妙古
人呼茗為酪奴亦賤之也時珍早年氣盛每飲新
茗必至數椀輕汗發而肌膚清頗覺痛快中年胃
氣稍損飲之即覺為害不痞悶嘔惡即腹冷洞泄
故備述諸說以警同好焉又濃茶能令人吐乃酸
苦滯泄為陰之義

附方 舊六新 氣虛頭痛 用上春茶末調成膏置瓦
蓋內覆轉以巴豆四十粒

作二次燒烟熏之晒乾乳細每服一字別 熱毒下
人好茶末食後煎服立效 醫方大成

痢以蜜水煎服白痢以連皮自然薑汁同水煎服
一三服即愈○經驗良方用蠟茶二錢湯點七分
入麻油一規殼和服須臾腹痛大下即止一少年
用之有効○一方蠟茶末以白梅肉和丸赤痢甘
草湯下白痢烏梅湯下各百丸 大便下血 榮衛氣
○一方建茶合醋煎熱服即止 虛或受
風邪或食生冷或啖炙博或飲食過度積熱腸間
使脾胃受傷糟粕不聚大便下利清血臍腹作痛
裏急後重及酒毒一切下血並皆治之用細茶半
斤碾末川百藥煎五箇燒存性每服二錢米飲下
日二服 普濟方 產後秘塞 以葱涎調蠟茶末九百丸茶
者百無一生 久年心痛 十年五年者煎湖茶以
郭稽中婦人方 煎茶五合投醋二合 嗜茶成癖 人
部手 腰痛難轉 煎茶五合投醋二合 嗜茶成癖 人
集 病此一方士令以新鞋盛茶令滿任意食盡再盛
一鞋如此三度自不喫也男用女鞋女用男鞋用

之果愈也 解諸中毒 芽茶白礬等分碾末 痘瘡作

痒 房中宜燒茶 陰囊生瘡 用蠟面茶為末先以甘 草湯洗後貼之妙 經

驗 脚極濕爛 茶葉嚼爛傳之 蠅虻尿瘡 初如糝粟 漸大如豆

更大如火烙漿炮疼痛至甚者速以草茶并蠟 勝金方 風

痰顛疾 茶芽扞子各一兩煎濃汁一 霍亂煩悶 未茶

一錢煎水調乾薑末一錢 月水不通 茶清一瓶入 沙糖少許露

服之即安 聖濟總錄 痰喘欬嗽 不能睡卧好末 茶一兩白僵蠶

通不可輕視 鮑氏 痰喘欬嗽 瑞竹堂方 小

茶子氣味苦寒有毒 主治喘急欬嗽去痰垢壽仁

洗衣除油膩 時珍

附方 新 上氣喘急 時有欬嗽茶子百合等分為末 蜜丸梧子大每服七丸新汲水

下 聖 喘嗽齁齶 不拘大人小兒用糯米泔少許 磨茶子滴入鼻中令吸入服

惠方 之口咬竹筒少頃涎出如線不過 頭腦鳴響 狀如 虫蛙

二三次絕根屢驗 經驗良方 頭腦鳴響 虫蛙

名大白蟻以茶子為末吹入 楊拱醫方摘要

鼻中取效 楊拱醫方摘要

臯蘆 拾 校正 自木部 移入此

釋名 瓜蘆 弘景 苦蔞 藏器曰南越志云龍川縣有臯 蘆一名瓜蘆葉似茗土人謂之

過羅或曰物 羅皆夷語也

集解 弘景 苦菜註曰南方有瓜蘆亦似茗苦摘取 其葉作屑煮飲即通夜不睡煮蘆人惟資此

本草綱目 卷三十一 二


飲而交廣最所重客來先設乃加以香茗之物李
珣曰按此木即臯蘆也生南海諸山中葉似茗而
大味苦澀出新平縣南人取作茗飲極重之如蜀
人飲茶也時珍曰臯蘆葉狀如茗而大如手掌按
碎泡飲最苦而色濁風味比茶不
及遠矣今廣人用之名曰苦登

葉氣味苦平無毒時珍曰寒胃主治煮飲止渴明

目除煩令人不睡消痰利水藏器通小腸治淋止頭

痛煩熱李珣噙嚙清上膈利咽喉時珍

本草綱目果部三十二卷終



Kitasato Memorial Medical Library